



ՄԱՅՐ ԱՅԹՈՒ ՍՈՒՐԲ ԷԶՄԻԱԾՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

Գերագույն հոգեւոր խորհրդի ժողով Մայր Աթոռում


Նունիսի 5–8-ը Մայր Աթոռ Սուրբ Էջմիածնում, նախագահությամբ Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, տեղի ունեցավ Գերագույն հոգեւոր խորհրդի ժողով:

Ժողովն ատենապետեց Կ. Պոլսի Հայոց Պատրիարք Տ. Սահակ արք. Մաշալյանը, իսկ նիստերը վարեց ԱՄՆ հայոց արեւմտյան թեմի առաջնորդ Տ. Հովհանն արք. Տերտեղյանը:

Հայաստանում ու Արցախում ստեղծված կացության վերաբերյալ զեկույցներով հանդես եկան Արցախի արտաքին գործերի նախարար Սերգեյ Ղազարյանը եւ ԳՀԽ անդամ ի. գ. դ. Գեւորգ Դանիելյանը:

Զեկույցներում անդրադարձ կատարվեց Հայաստանի եւ Արցախի շուրջ աղետալի զարգացումներին՝ մասնավորաբար շրջափակման հետեւանքով Արցախի ժողովրդին սպառնացող ցեղասպանության վտանգին եւ Հայաստանի ինքնիշխան տարածքների նկատմամբ իրականացվող ոտնձգություններին: Անհամատեղությամբ անդրադարձ եղավ նաեւ երկրի ներսում գոյացած մարտահրավերներին, հասարակական անհամերաշխությանն ու բեւեռացվածությանը:

ԳՀԽ-ն խոր մտահոգությամբ արձանագրեց հայրենական կյանքում ստեղծված ծանր կացությունը: Կարելի էր, որ Հայաստանի իշխանությունները իրաժարվեին ազգի արժանապատվությունը ոտնահարող գործողություններից եւ արտաքին թշնամիների նվաստացուցիչ հավակնություններին ու պահանջներին հակադրեին իրատեսական եւ բացառապես հայաճապատ դիրքորոշումներ՝ վճռականորեն պաշտպանելով Արցախի ժողովրդի ինքնորոշման անսակարկելի իրավունքը:



ԳՀԽ-ն իր գորակցությունը հայտնեց Արցախի ժողովրդին եւ իշխանություններին՝ արձանագրելով նաեւ, որ Արցախի ժողովրդի ազատ ու անկախ ապրելու արդար իրավունքը պաշտպանություն պիտի գտնի համագաղթյին բոլոր շրջանակներում: Ժողովականներն ընդգծեցին, որ պետք է ամեն ջանք ի գործ դնել ժողովրդի միասնության ոգին զորացնելու եւ համերաշխության մթնոլորտ ձեւավորելու համար:

Արցախին ուղղված սոցիալական աջակցության վերաբերյալ զեկույցով հանդես եկավ Մայր Աթոռի սոցիալական բաժնի տնօրեն Տ. Մարկոս քհն. Մանգասարյանը: Տեր հայրն ի մասնավորի ընդգծեց, որ շրջափակման մեջ գտնվող Արցախին Ամենայն Հայոց Հայրապետի հորդորով ու ջանքերով, Մայր Աթոռի աշխարհասփյուռ թեմերի գործունե մասնակցությամբ տրամադրվել է 360 տոննա մարդասիրական օգնություն: Տրամադրվող աջակցությունը կլինի շարունակական:

Ժողովականները, մտահոգությամբ անդրադառնալով ադրբեջանական շրջափակման հետեւանքով շարունակվող հումանիտար ճգնաժամային իրավիճակին, ընդգծեցին սոցիալական աջակցության ծրագրերի ընդլայնման անհրաժեշտությունը:

Հանրակրթական դպրոցներում Հայոց Եկեղեցու պատմություն առարկայի դասավանդման եւ կրթական հիմնախնդիրների մասին զեկույցեց Մայր Աթոռի եկեղեցական հայեցակարգային բաժնի տնօրեն Տ. Վազգեն արք. Միրզախանյանը՝ տեղեկացնելով, որ կառավարության նախաձեռնությամբ ՀՀ-ում հանրակրթության պետական մոդելի հիմնադրման գործընթացն արագացվել է:

Մայր տաճարի հիմնադրության եւ ամրակայման աշխատանքների, մյուսն օրինության եւ զանազան ծրագրերի իրականացման մասին զեկույցեց Մայր Աթոռի եկեղեցական հայեցակարգային բաժնի տնօրեն Տ. Վազգեն արք. Միրզախանյանը՝ տեղեկացնելով, որ կառավարության նախաձեռնությամբ ՀՀ-ում հանրակրթության պետական մոդելի հիմնադրման գործընթացն արագացվել է:

Քննարկումների ընթացքում ԳՀԽ-ն, վերահաստատելով իր դիրքորոշումը, անթույլատրելի համարեց առարկայի դուրս բերումը հանրակրթական ծրագրից՝ ընդգծելով, որ այն կարելի էր գործունե սերունդների դաստիարակության ու կրթության առաքելության մեջ: Այս համատեքստում անդրադարձ եղավ հատկապես անչափահասների շրջանում բռնությամբ ուղեկցվող ծանր հանցագործությունների ու թմրամոլության ահագնացող աճին: Կենսական համարվեց, որ իշխանությունները գործնական եւ արդյունավետ քայլեր իրականացնեն՝ պայքարելու հիշյալ երեւոյթների դեմ, ինչպես եւ հասարակության մեջ՝ հատկապես կրթական հաստատություններում, արժեքները հանուն հայրենիքի պայքարի ելած մեր նահատակ հայորդիների սխրանքը, որպեսզի չստանան ազգի զավակների հայրենամոլության ոգին:

Մայր տաճարի հիմնադրության եւ ամրակայման աշխատանքների, մյուսն օրինության եւ զանազան ծրագրերի իրականացման մասին զեկույցեց Մայր Աթոռի եկեղեցական հայեցակարգային բաժնի տնօրեն Տ. Վազգեն արք. Միրզախանյանը՝ տեղեկացնելով, որ կառավարության նախաձեռնությամբ ՀՀ-ում հանրակրթության պետական մոդելի հիմնադրման գործընթացն արագացվել է:

հարակից միջոցառումների կազմակերպման վերաբերյալ զեկույցներով հանդես եկան Մայր Աթոռի դիվանապետ Տ. Արշակ արք. Խաչատրյանը եւ լուսարարապետ Տ. Սուշեղ եպս. Բաբայանը:

Քննարկումների արդյունքում ԳՀԽ-ն, հաշվի առնելով Մայր տաճարի հիմնադրության աշխատանքների ծավալների ընդլայնման եւ ընթացող աշխատանքների ժամանակատարության հանգամանքները, որոշեց՝

– Մայր տաճարի վերածնունդն արարողությունը հետաձգել մինչ հիմնադրոգման աշխատանքների ամբողջական ավարտը,

– Սրբալույս մյուռոնի օրհնության արարողությունը կազմակերպել սույն թվականի հոկտեմբերի 1-ին,

– Եպիսկոպոսաց ձեռնադրություն կատարել հոկտեմբերի 8-ին:

Ժողովում անդրադարձ եղավ նաեւ Երուսաղեմի Հայոց Պատրիարքության՝ երկարաժամկետ վարձակալության տրված կալվածքների խնդրին, եւ արձանագրվեց, որ Մայր Աթոռ Սուրբ Էջմիածինը կապի մեջ է Պատրիարքարանի հետ եւ ի մոտո հետեւում է ընթացող զարգացումներին:

Քառօրյա ժողովի ընթացքում քննարկվեցին նաեւ Եկեղեցու Նվիրապետական Աթոռների ու թեմերի գործունեությանը, Եկեղեցու առաքելության արդյունավորմանն առնչվող այլ հարցեր:

Ժողովն ամփոփվեց Ամենայն Հայոց Հայրապետի օրհնության եւ զանազան ծրագրերի խոսքով:

Միաբանական համագումար Մայր Աթոռում

Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսի օրհնությամբ սույն թվականի հունիսի 5–11-ը Արարատյան շաբաթվա տոների ընթացքում, համայն հայության հոգեւոր կենտրոնում կայացավ «Սուրբ Էջմիածինը որպես առաքելություն» խորագրով միաբանական համագումար: Համաժողովին մասնակցեցին Հայաստանյայց Առաքելական Սուրբ Եկեղեցու թեմերում եւ կառույցներում ծառայող միաբանները (աբեղաներ, վարդապետներ, ծայրագույն վարդապետներ): Ներկա էին նաեւ միաբաններ Հայ Եկեղեցու Նվիրապետական Աթոռներից՝ Մեծի Տանն Կիլիկիո Կաթողիկոսությունից, Կ. Պոլսի եւ Երուսաղեմի Հայոց Պատրիարքություններից:

Միաբան հայրերն աղոթքի համախմբությամբ մասնակցեցին

տոնական շաբաթվա սուրբ պատարագներին, որոնք ամբողջացան միաբանական ուխտի սուրբ պատարագով եւ Կաթողիկե Ս. Էջմիածնի սրբազան տոնակատարությամբ:

Ժողովական օրերին բանախոսությամբ հանդես եկան Տ. Վազգեն արք. Միրզախանյանը (թեմա՝ «Նախաշավիլի Հայ Եկեղեցու սոցիալական ուսմունք»), Տ. Արմաշ եպս. Նալբանդյանը (թեմա՝ «Հայաստանյայց Եկեղեցին միջեկեղեցական հարթակներում») եւ Տ. Զաքարիա Ժ. վրդ. Բաղդույանը (թեմա՝ «Հայ Առաքելական Ս. Եկեղեցու քարոզչական ու հոգեւոր-կրթական առաքելությունը ժամանակակից աշխարհում. տեսլականներ եւ մարտահրավերներ»): Թեմաների առնչությամբ տեղի ունեցան խմբային քննարկումներ:

Ամենայն Հայոց Կաթողիկոսի օրհնությամբ համաժողովի մասնակից միաբան հայրերը մեկնեցին նաեւ Տավուշի եւ Գեղարքունիքի թեմերի սահմանամերձ համայնքներ՝ հովվական այցելություններ կատարելով, օրհնություն եւ Աստուծո խոսքով մխիթարություն բաշխելով հայրենիքի պաշտպանության համար նահատակված հերոսների ընտանիքներին, ինչպես նաեւ բազմազավակ ու կարիքավոր ընտանիքներին:

Հավարտ համագումարի՝ ընտրվեց միաբանական հաջորդ ժողովի դիվանի կազմը:

Համագումարի ընթացքում առանձնակի մտահոգությամբ անդրադարձ եղավ Հայաստանում եւ Արցախում ստեղծված աղետալի իրավիճակին: ➤ էջ 2



Կ. Պոլսի Հայոց Պատրիարք Ժամանեց Սուրբ Էջմիածին

Նունիսի 6-ին Մայր Աթոռ Սուրբ Էջմիածին ժամանեց Կ. Պոլսի Հայոց Պատրիարք Տ. Սահակ արք. Մաշալյանը: Այս առիթով

Մայր Աթոռ Սուրբ Էջմիածնի միաբանները Կ. Պոլսի Հայոց Պատրիարքին թափորով առաջնորդեցին Սուրբ Հովհաննես Մկրտիչ եւ Սուրբ Վարդան մատուռ-մկրտարան, ուր կատարվեց «Հրաշափառի» արարողություն: Մայր Աթոռ Սուրբ Էջմիածնի լուսարարապետ Տ. Սուշեղ եպս. Բաբայանը Մայր Աթոռի միաբանության անունից ողջունեց եւ բարի գալուստ մաղթեց Սահակ Պատրիարքին: Այնուհետեւ Պոլսո Հայոց Պատրիարքը, գոհություն վերառաքելով առ Աստված՝ վերստին հայոց հոգեւոր կենտրոնում գտնվելու համար, իր օրհնությունն ու բարեմաղաքները փոխանցեց Սուրբ Էջմիածնի միաբանությանը:

Առաջիկա օրերին Սահակ Պատրիարքն իր մասնակցությունը բերեց Մայր Աթոռում գումարված Գերագույն հոգեւոր խորհրդի ժողովին:

Ամենայն Հայոց Կաթողիկոսի Պատգամը միաբանական համագումարի մասնակիցներին

Նունիսի 9-ին Ն.Ս.Օ.Տ.Տ. Գա-
րեգին Երկրորդ Ճայրագույն
Պատրիարք եւ Ամենայն Հա-
յոց Կաթողիկոսը Կ. Պոլսի Հա-
յոց Պատրիարք Տ. Սահակ արք.
Մաշալյանի, Գերագույն հոգեւոր
խորհրդի անդամների, թեմակա-
ռաշնորդների եւ Մայր Աթոռում
պաշտոնավարող եպիսկոպոսնե-
րի հետ ներկա գտնվեց Սուրբ Էջ-
միածնում ըմբացող միաբանական
համագումարի միստին: Հավաքին
մասնակցուն էին Հայաստանի եւ
Սփյուռքի թեմերից եւ եկեղեցա-
կան կառույցներից Մայր Աթոռ
Սուրբ Էջմիածնի միաբան վար-
դապետներ ու աբեղաներ, ինչպես
նաեւ ներկայացուցիչներ Մեծի
Տաճն Կիլիկիո Կաթողիկոսություն-
ից, Կ. Պոլսի եւ Երուսաղեմի Հա-
յոց Պատրիարքություններից:

Միասնական Տերունական աղոթքից հետո ներկաներին ողջունեց Մայր Աթոռի քարոզչական կենտրոնի տնօրեն Եւ միաբանական համագումարի ատենապետ Տ. Գարեգին վրդ. Զամաբարձունյանը: Զայր սուրբն իր խոսքում ներկայացրեց համագումարի մասնակիցների հովվական երկօրյա այցը Գեղարքունիքի եւ Տավուշի թեմեր: Զայր Գարեգինն ի մասնավորի կարեւորեց միաբան հայրերի այցը սահմաններ՝ տարբեր համայնքներ, հանդիպումներն արցախյան 44-օրյա պատերազմում զոհված, վիրավոր եւ անհայտ կորած զինվորների ընտանիքներին, ինչպէս նաեւ՝ բազմազավակ ու Արցախից տեղահանված ընտանիքներին:

Ապա համագումարի մասնակիցներին իր օրհնությունն ու պատգամը բերեց Ամենայն Հայոց Հայրապետը:

Նորին Արքեպիսկոպոսն ուրախությամբ ողջունեց Կ. Պոլսի Հայոց Պատրիարքի, Սուրբ Էջմիածնում համախմբված Մայր Աթոռի միաբանների եւ Նվիրապետական Աթոռներից ժամանած եկեղեցականների ներկայությունը համագումարին՝ ընդգծելով, որ նման հավաքները կարեւոր առիթներ են հոգով զորացման եւ ուխտի մոտրցության համար, ինչպես նաեւ արծարծելու Հայ եկեղեցուն, եկեղեցականներին ու հավատացյալներին հուզող խնդիրները:



«Գոհունակությամբ ենք անդրադառնում, որ համագումարն անց է կացվում Սուրբ Էջմիածնի հիմնադրման 1720-ամյակի տարում՝ «Էջմիածինը որպես առաքելություն» խորհրդանշական կարգախոսի ներքո: Նոր Տեր Հիսուս Քրիստոսի էջով Սուրբ Էջմիածինը Աստծու առանձնահատուկ օրհնությամբ ու երկնային պարգևի դարձավ մեր ժողովրդի կյանքում: Սուրբ Էջմիածնի խորհուրդը գեղեցկորեն բանաձևել է պատմիչը՝ ասելով. «Ի վերայ Աջոյն եւ Սրբոյ Էջմիածնի ամենայն ազգն Յայոց կապեալ կայ»: Սուրբ Էջմիածինը նաեւ դուք եք, նրա առաքելությունը ձեր ծառայությունն է հայրենիքում եւ աշխարհի տարբեր կողմերում: Տիրոջով ու ձեր արդյունավոր սպասավորությամբ որքան զորավոր եք դուք, այնքան զորավոր եւ եւ Սուրբ Էջմիածինը»,– ասաց Վեհափառ Հայրապետը՝ ընդգծելով, որ ինչքան արգասալի եւ աշխույժ է միաբանների հովվական, վարչական, հոգեւտավոր ծառայությունը, այնքան ամուր եւ անսասան է Սուրբ Էջմիածնի առաքելությունը ժողովրդի կյանքում:

Ազգի ու հայրենիքի առջև ծառացած տարաբնույթ մարտահրավերների պայմաններում Հայոց Հայրապետն անհրաժեշտ նկատեց առավել արթուն ու պատասխանատու սպասավորությամբ իրագործումը, որպեսզի Եկեղեցին

ցին միշտ վառ պահի հավատքի
ջաղը եւ պահպանի ու պաշտպա-
նի հայ ժողովրդին գլուխ բարձ-
րացնող վտանգներից ու սպառ-
նալիքներից:

«Այս իրողությունների լույսի ներքո մենք պետք է սահմանենք եւ որոշակիացնենք մեր Սուրբ Եկեղեցու տերունապատկեր ծառայության առաջնահերթությունները՝ իրենց ուղղություններով, ծրագրերով ու ամելիքներով, եւ լայն ժամանակաշրջանի նախատեսումով հաստատենք մշակված ռազմավարություն՝ արձանագրելով հովվական գործունեության տեսլականն ու ակնկալվող արդյունքները հոգեւոր, կրթական, մշակութային, հասարակական ոլորտներում, ինչպէս նաեւ մուրօրյա ընկալումներով Աստծու խոսքը, հոգեւոր արժեքների քառոզությունն առավել մատչելի եւ հասանելի դարձնենք մեր Սուրբ Եկեղեցու զգալիներին»,— մշեց Նորին Սրբապետներ:

Ամենայն Հայոց Կաթողիկոսը մտահոգությամբ արձանագրեց, որ Եկեղեցու հեղինակությանը շարունակաբար հարվածներ են հասցվում՝ փորձելով մկազեցնել հայ ժողովրդի կյանքում Առաքելական Սուրբ Եկեղեցու եւ Եկեղեցականի բարերար ազդեցությունն ու գործունեությունը եւ տկարացնել ժողովրդի միասնական, միաբանության ու ազգային ինքնության պահապան ավանդական կա-

ռույքը: Այս առնչությամբ Հայոց Հովվապետը հորդորեց եկեղեցականներին լինել նախանձախնդիր իրենց խոսքի, գործի ու քայլերի մեջ, սրբագրել թերացումները՝ բարի օրինակ հանդիսանալով մարդկանց, համապազ սեր եւ հոգատարություն դրսևորելով ժողովրդի հանդեպ:

Նորին Սրբությունն անդրադարձավ նաեւ Եկեղեցի—պետություն հարաբերություններում առկա տարաձայնություններին, որոնք հետեւեալք են Եկեղեցու առաքելության վերաբերյալ իշխանությունների թուր պատկերացումների, այլեւ հայրենական կյանքի տարաբնույթ մարտահրավերների համդիման Եկեղեցու սկզբունքային դիրքորոշումների: Այդ ծիրում Հայոց Հայրապետն անընդունելի համարեց Հայոց Եկեղեցու պատուովային առարկայի դուրս բերումը դպրոցական ծրագրերից, որը կարելոր նպաստ էր մատաղ սերնդին համամարդկային հոգեւոր արժեքների, քրիստոնեական հավատքի սկզբունքների, ազգային ինքնության եւ ինքնագիտակցության, մեր սրբազան ժառանգության վերաբերյալ գիտելիքների մատուցման կարելոր գործում: «Հայրենաշինության, պետության բարորության ու զորացման առաքելության մեջ մեր Սուրբ Եկեղեցին միշտ գորակից է իշխանությունների: Սակայն մեր կոչումն է համարձակությամբ հաւազանգել վտանգների մասին, դեմ կանգնել ազգային անդաստանում անարդարության դրսեւորումներին, հայրենիքին, համազգային շահերին վնասող գործընթացներին»,— հավելեց Վեհափառ Հայրապետը:

Հետպատերազմական դժվարին այս իրավիճակում Հայոց Հովվապետը հորդորեց հոգեւորականներին շարունակական ջանքեր գործադրել պատերազմից տուժածների, զոհվածների, հաշմանդամ դարձած, գերեզարկված ու անհայտ կորած հայորդիների ու նրանց ընտանիքների համար մատուցվող հոգեխնամ ու սոցիալական առաքելության մեջ:

«Մեր ժողովրդի ու հայրենիքի համար այս դժվարին պահին հրամայական է, որ սխյուռքի հա-

մայնքներում ամենքդ ավելի զո-
րացնե՞ք ձեր ջանքերը՝ հնարավոր
բոլոր միջոցները գործադրելու
պետական, դիվանագիտական,
միջազգային եւ միջէկեղեցական
կառույցների առջեւ բարձրաձայ-
նելու շայնստանի նկատմամբ
Ադրբեջանի ագրեսիայի, արցա-
խայն հիմնահարցի կարգավոր-
ման, Լաչինի միջանցքի ապաշո-
ջափակման, Արցախում բնակվող
մեր ժողովրդի հինքնորոշման իրա-
վունքի ապահովման հիմնախն-
դիրները, որպեսզի ոչ գորու լինեն
մեր երկրի ու պատմությանս Վոթ-
ծությունների դիմակայելու եւ
հայրենաշահ լուծումներ գտնելու:

....Եկեղեցին չունի որեւէ այլ շահ, քան այն, որ բխում է Աստծու հանդէպ, հայրենիքի եւ ժողովրդի հանդէպ պատասխանատուութւնովով: Եկեղեցու առաքելութեամբ հիմնական նպատակը մարդն է ու նրա հոգու փրկութիւնը եւ փրկարար այդ ծառայութեան հետ մեկտեղ՝ ազգապահպանութիւնն ու հայրենի երկրի զորացմանը ծառայելը: Արդ, հարկ է հստակ պահել տեսլականը, թէ ինչպիսի հավատացյալ հայորդի, ինչպիսի հայ մարդ ենք ցանկանում կրթել ու դաստիարակել, որպէսզի հոգեւորականի խոսքն ու անելիքը միտված լինեն այդ հիմնական գործին: Մարդու կյանքում միայն հավատքի վերացական առկայութիւնը բավական չէ, այլ մեր Սուրբ Եկեղեցու առաքելութեամբ պետք է շարունակված կերտել աստվածատէր, հայրենամկեր ու ազգամկեր նկարագրով հայ մարդ՝ կրողը մեր նախնայաց ավանդների ու ժառանգութեան», – եզրափակեց Նորին Սրբութիւնը՝ բարեմաղթելով միաբան հայրերին իրենց հոգեւոր սպասավորութեան մեջ Տիրոջ գոռակցութեամբ:

Միաբանական հավաքի մասնակիցներին ողջունեց ու իր բարեմաղթանքները փոխանցեց նաեւ Կ. Պոլսի Հայոց Պատրիարք Տ. Սահակ արք. Մաշալյանը:

Հունիսի 10-ին՝ Սուրբ Գրիգոր Լուսավորչի «Ելն ի վիրապեն» տոնի օրը, միաբանական հավաքի մասնակիցները հոր վիրապի վանքում մասնակցեցին սուրբ պատարագին եւ անդաստանի արարողությանը:

Միաբանական համագումար Մայր Աթոռում

← ٤٢ ١

Այս առնչությամբ միաբան հայրերը հանդես եկան հետեւյալ հայտարարությամբ.

«Միաբանական համագումարի մասնակիցներս, առաջնորդված ազգի ու հայրենիքի առջեւ ծառացած լքագույն հիմնախնդիրների դիմագրավման եւ հայոց անկախ պետականութեան զորացման հրամայականով, կոչ ենք ուղղում համայն մեր ժողովրդին:

– Համախմբվել եւ ամրապնդել ազգային միաբանությունը՝ անխաթար պահելով ազգային-հոգեւոր արժեքները, որոնք դարեր շարունակ ստեղծել ու զորացրել են պահել մեր ինքնությունը: Հայոց կյանքից հեռու վանել աստեղությունն ու թշնամանքը, քաղաքական համոզումներով թելադրված անհամդուրծողության ցանկացած դրսեւորում՝ ազգային կյանքի ընթացքն ամրորեն խարսխելով եղբայրսիրության ու համերաշխության հիմքի վրա:

– Թոթափել հայրենիքի շուրջ ծավալվող ցավալի զարգացումների նկատմամբ անտարբերությունը եւ զերծ մնալ ներշնչվող անկարողության ու հարմարվողականության մտայնություններից:

– Ամուր եւ աներեր պահել Յա-
յաստան–Արցախ–Սփյուռք կապը
եւ ազգային ողջ ներուժը գործի
դնել՝ ի խնդիր Արցախի մեր ժո-
ղովրդի ինքնորոշման իրավունքի
պաշտպանության, ծանր վիճակի
մեջ գտնվող մեր հայրենիքի անվ-
տանգության ապահովման:

Հորդորում ենք հայրենի իշխանություններին.

– Նախանձախնդրորեն հետա-
մուտ լինել արցախահայության՝
սեփական բնօրրանում ազատ,
անկախ եւ անվտանգ ապրելու

աստվածատուր իրավունքի իրացմանը, նաեւ Հայաստանի սահմանամերձ տարածքների անվտանգությանն ու անձեռնմխելիությանը:

– Հրաժարվել Հայ եկեղեցու պատմությունն առարկյան դպրո-



ցական ծրագրերից դուրս մղելու որոշումից եւ նպաստել հայրենի դպրոցներում դրա արդյունավետ դասավանդմանը:

Տիրավանդ սիրով հայտնում ենք մեր զորակցությունն արցախահայ մեր եղբայրներին ու քույրերին՝ քաջալերելով, հակառակ առկա մարտահրավերներին, երբեք չընկնել դժվարու-

թյունների առջեւ, շարունակել
պաշտպանել ու շենացնել Ար-
ցախ աշխարհը՝ զորացած հույ-
սով ու հավատքով:

Միակամ վճռականությամբ
հայտնում եմք մեր հանձնառու-
թյունը՝ անելու կարելիև հայրե-
նիքում եւ սփյուռքի համայնք-
ներում մեր ժողովրդի ներուժի
համախմբման համար՝ ի նպաստ

ազգային ու հայրենական կյանքը
փոթորկող եւ հուզող խնդիրների
հաղթահարման:

Մայր Աթոռ Սուրբ Էջմիածնից մեր աղոթքն ենք վերառաքում առ բարձրյալն Աստված, որ Տերն Իր ամենախնամաւ Աջի հովանու մեքոց պահի, պահպանի եւ բարձրացնի ազգս հայոց՝ ի Հայաստան, յԱրգախ եւ ի սփոյնս»:

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ

Ամենայն Հայոց Կաթողիկոսն ընդունեց



Հունիսի 1-ին Արգենտինա-Հայաստան բարեկամական խմբի անդամներին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց Արգենտինայի խորհրդարանի Արգենտինա-Հայաստան բարեկամական խմբի նախագահ Գիծերմո Անդրադայի գլխավորած պատվիրակությանը՝ ուղեկցությամբ Հայաստան-Արգենտինա բարեկամական խմբի ղեկավար Իշխան Սաղաթեյանին:

Հանդիպմանը ներկա էին նաեւ ՀՀ-ում Արգենտինայի արտակարգ եւ լիազոր դեսպան Մարիանո Վերգարան եւ Արգենտինայում ՀՀ արտակարգ եւ լիազոր դեսպան Հովհաննես Վիրաբյանը:

Ամենայն Հայոց Կաթողիկոսը, անդրադառնալով երկու երկրների հարաբերություններին, ընդգծեց, որ դրանք հատկանշված են սերտ բարեկամությամբ, եւ Արգենտինան դժվարին իրավիճակներում, հատկապես արցախյան 44-օրյա պատերազմի ընթացքում, մշտապես գորակից է եղել հայ ժողովրդին: Այս առնչությամբ Վեհափառ Հայրապետը զնախատմանով անդրադարձավ Արգենտինայի Սենատի՝ Լաչինի միջանցքի արգելափակումը դատապարտող եւ դադարեցնելու կոչ անող հայտարարությանը:

Հանդիպմանը Նորին Սրբությունն անդրադարձ կատարեց տարածաշրջանում առկա մարտահրավերներին, Հայաստանի սահմանների նկատմամբ ոտնձգություններին, Արցախում ստեղծված հումանիտար ճգնաժամին, մինչեւ օրս գերության մեջ պահվող

հայորդիներին, ինչպես նաեւ Ադրբեջանի վերահսկողության տակ հայտնված տարածքներում հայկական հոգեւոր, մշակութային ժառանգության պահպանման խնդիրներին:

Ամենայն Հայոց Հայրապետը ողջունեց բարեկամ երկրների, խորհրդարանական եւ պետական գործիչների ու անհատների ջանքերը՝ ուղղված միջազգային ատյաններում արցախահայության ազատ եւ անկախ ապրելու արդար իրավունքի պաշտպանությանը՝ վստահություն հայտնելով, որ հայ ժողովուրդը քրիստոնեական հավատքի եւ լավատեսական ոգու շնորհիվ կկարողանա հաղթահարել առկա դժվարություններն ու մարտահրավերները:

Արգենտինա-Հայաստան բարեկամական խմբի նախագահ Գիծերմո Անդրադան Նորին Սրբությանը տեղեկացրեց, որ իրենց այցի նպատակն է նաեւ ամնիջականորեն ծանոթանալ Հայաստանում եւ Արցախում տիրող իրավիճակին՝ հավաստիացնելով, որ իրենց լիազորությունների շրջանակներում կնպաստեն տարածաշրջանում խաղաղության եւ կայունության հաստատման գործընթացներին:

Զրույցի ընթացքում անդրադարձ կատարվեց նաեւ քույր եկեղեցիների եւ միջեկեղեցական կազմակերպությունների ներդրած ջանքերին Լեռնային Ղարաբաղի հակամարտության խաղաղ կարգավորման եւ առկա մարտահրավերների հաղթահարման գործում:

րիայի հայ համայնքին եւ հայոց եկեղեցուն, ինչպես նաեւ Սերժավոր Արեւելքի երկրներում քրիստոնեական համայնքներին: Պրմ. Շենյենը Վեհափառ Հայրապետին նաեւ տեղեկացրեց, որ Հունգարիայում գործող հայկական եկեղեցին ստացել է պետական գրանցում:

Պրմ. Ժոլտ Շենյենը կատարեց նաեւ մեկ

այլ պարտականություն՝ Ամենայն Հայոց Հայրապետին հանձնելով Բուդապեշտի Կարոլի Գաշփար համալսարանի պատվավոր դոկտորի կոչումը:

Հանդիպմանը նաեւ խոսվեց միջեկեղեցական հարաբերությունների, ինչպես նաեւ Հունգարիայի հայ համայնքի կյանքի մասին:



Հունիսի 11-ին Միաբանական համագումարի գործող եւ Նորընտիր հանձնախմբերի անդամներին

Ամենայն Հայոց Կաթողիկոսն ընդունեց միաբանական համագումարի գործող եւ Նորընտիր կազմակերպիչ հանձնախմբերի անդամներին:

Նորին Սրբությունը կատարված հաջող աշխատանքների համար իր զնախատմանքը հայտնեց միաբանական համագումարի գործող հանձնախմբին, որի կազմում ընդգրկված են Մայր Աթոռի քարոզչական կենտրոնի տնօրեն Ս. Գարեգին վրդ. Համբարձումյանը, ԳՀԵ-ի պատմական աստվածաբանության ամբիոնի վարիչ Ս. Անդրեաս վրդ. Եզեկյանը, Մայր Աթոռի վարչատնտեսական բաժնի փոխտնօրեն Ս. Տիրայր վրդ. Հակոբյանը, ԱՄՆ հայոց արեւմտյան թեմից Ս. Երեմիա վրդ. Աբգարյանը, ԱՄՆ հայոց արեւելյան թեմից Ս. Առնա վրդ. Գեպեճյանը, Իսպանիայում եւ Պորտուգալիայում մկրտության եվրոպայի հայրապետական պատվիրակի փոխանորդ Ս. Շնորիք արք. Սարգսյանը:

Հայոց Հովվապետը նաեւ իր հայրական օրհնությունը բերեց նոր հանձնախմբի անդամներին՝ ԱՄՆ հայոց արեւելյան թեմից Ս. Սիմեոն արք. Օդաբաշյանին, Մայր Աթո-

ռի արխիվի եւ թանգարանների տնօրեն Ս. Ասողիկ արք. Կարապետյանին, Ս. Դերեմիկ արք. Սահակյանին, Վիրահայոց թեմից Ս. Հակոբ արք. Սահակյանին, Ս. Աղան արք. Երեմյանին, Իրաքի հայոց թեմից Ս. Դեւոնդ արք. Սաղաթեյանին: Նորին Սրբությունը հորդորեց միաբաններին ջանասիրությամբ ու անմվազ եռանդով ձեռնամուխ լինել հաջորդ միաբանական հավաքի կազմակերպմանը՝ նկատի առնելով հայրենիքին, եկեղեցուն եւ ժողովրդին հուզող արդիական խնդիրները:

Միաբանական համագումարը տեղի է ունենում երկու տարին մեկ Մայր Աթոռ Սուրբ Էջմիածնում: Հայաստանյայց Առաքելական Սուրբ Եկեղեցու տարբեր թեմերում եւ կառույցներում ծառայող միաբանները (աբեղաներ, վարդապետներ եւ ծայրագույն վարդապետներ) մեկտեղվում են հայոց հոգեւոր կենտրոնում՝ քննարկելու Հայոց Եկեղեցու առջեւ ծառացած մարտահրավերները, դրանց հաղթահարման ուղիներ փնտրելու, փոխանակելու հոգեւոր ծառայության փորձառությունը, ինչպես նաեւ վերանորոգելու իրենց ուխտը:

Հունգարիայի փոխվարչապետի գլխավորած պատվիրակությանը



Ամենայն Հայոց Կաթողիկոսը, ի դեմս փոխվարչապետի, իր զնախատմանը հայտնեց Հունգարիայի իշխանություններին հայկական համայնքին ցուցաբերվող գորակցության, ինչպես նաեւ Սերժավոր Արեւելքի երկրներում քրիստոնեական համայնքներին աջակցության համար:

Հանդիպմանը Հայոց Հովվապետը մտահոգությամբ անդրադարձ կատարեց Հայաստանի ինքնիշխան տարածքների եւ Արցախի ժողովրդի նկատմամբ Ադրբեջանի շարունակական ոտնձգություններին՝ կարեւորելով տարածաշրջանում խաղաղության եւ կայունության հաստատմանն ուղղված միջազգային կառույցների հետեւողական քայլերի իրականացման անհրաժեշտությունը: Նորին Սրբությունն այս կապակցությամբ իր երախտագիտությունը հայտնեց Հունգարիայի իշխանություններին հայ հինգ ռազմագետու հայրենադարձման հարցում ներդրած միջնորդական ջանքերի համար:

Իր հերթին փոխվարչապետ Ժոլտ Շենյենը խոսեց հայ-հունգարական դիվանագիտական կապերի վերականգնման կարեւորության մասին: Փոխվարչապետը հավաստիացրեց Հայոց Հայրապետին, որ Հունգարիայի իշխանությունները շարունակելու են իրենց աջակցությունը Հունգա-



Հունիսի 12-ին Կալիֆոռնիայի համալսարանի պատվիրակությանը

Ամենայն Հայոց Կաթողիկոսն ընդունեց Հարավային Կալիֆոռնիայի համալսարանի հայագիտական հետազոտությունների ինստիտուտի խորհրդի նախագահ Զարիզ Ղայլյանի գլխավորած պատվիրակությանը:

Հանդիպմանը տիար Զարիզ Ղայլյանը Նորին Սրբությանը տեղեկացրեց այցի մասին՝ ուղղված Հայաստանի ազգային պոլիտեխնիկական եւ Հայաստանի ամերիկյան համալսարանների հետ կապերի ընդլայնմանը, ինչպես նաեւ բարձր տեխնոլոգիաների ոլորտում երկրի առաջատար բուհերի հետ համագործակցության մոր հնարավորությունների բացահայտմանը:


Ամենայն Հայոց Կաթողիկոսը ողջունեց բուհերի միջեւ հաստատվող գործակցությունը՝ կարելու նկատելով երիտասարդ սերնդի կրթության եւ դաստիարակության

գործում նման նախաձեռնությունները: Վեհափառ Հայրապետն ընդգծեց, որ գիտության տարբեր ճյուղերի նվաճումներին հաղորդ լինելը եւ բարձր տեխնոլոգիաների զարգացմանը համաքայլ ընթանալը կարող են երաշխավորել շատ ոլորտներում երկրի առաջընթացը:

Նորին Սրբությունը ձեւավորվող համագործակցությունը Հայաստանի նկատմամբ բարեկամ երկրների գորակցության եւս մեկ վկայություն նկատեց՝ հավելելով, որ հայրենիքի այս դժվարին իրավիճակում նման նախաձեռնությունները լավատեսություն են ներշնչում հայորդիներին: Գարեգին Երկրորդ Հայրապետը վստահություն հայտնեց, որ Աստուծո օրհնությամբ պատվիրակության ջանքերը եւ բուհերի միջեւ գործակցությունը բարի արդյունավորում կունենան:

Ամենայն Հայոց Կաթողիկոսն ընդունեց Հունգարիայի փոխվարչապետ Ժոլտ Շենյենի գլխավորած պատվիրակությանը:

Հանդիպմանը ներկա էին նաեւ Հունգարիայում Հայաստանի Հանրապետության արտակարգ եւ լիազոր դեսպան տիար Աշոտ Սմբատյանը եւ ՀՀ-ում Հունգարիայի արտակարգ եւ լիազոր դեսպան տիկին Աննա Մարիա Շիկոն: Զրույցի ընթացքում անդրադառնալով Հայաստանի եւ Հունգարիայի միջեւ դիվանագիտական հարաբերությունների վերականգնմանը՝ Նորին Սրբությունը հույս հայտնեց, որ անհրաժեշտ քայլեր կձեռնարկվեն հայ-հունգարական կապերի եւ համագործակցության առավել արդյունավորման ուղղությամբ:



Սուրբ Գայանյանց կույսերի հիշատակի օրը Ա. Էջմիածնում

Նունիսի 6-ին Հայաստանյայց Առաքելական Սուրբ Եկեղեցին տոնեց Սուրբ Գայանյանց կույսերի հիշատակը: Տոնի առիթով առավոտյան Մայր Աթոռից եկեղեցականների հանդիսավոր թափորն առաջնորդվեց Սուրբ Գայանե վանք: Թափորը մինչև Սուրբ Գրիգոր Լուսավորչի կամար գլխավորեց Կ. Պոլսի Հայոց Պատրիարք Ս. Սահակ արք. Մաշալյանը՝ մարտիրոս սրբուհու մասունքն ամփոփող Աջով օրհնելով բարեպաշտ ժողովրդին: Այնուհետև Պատրիարք սրբազան հայրը մասունքակիր Աջը փոխանցեց Իրաքի հայոց թեմի առաջնորդ Ս. Օշական վրդ. Կյուկյույանին:

Սուրբ Գայանե վանքի առջև թափորը դիմավորեցին Մայր Աթոռի վանորդից տեսուչ Ս. Արտակ եպս. Տիգրանյանը, վանքի հոգեւոր սպասավորներն ու բազմաթիվ հավատավոր հայորդիներ:

Սուրբ Գայանե վանքում մատուցվեց սուրբ եւ անմահ պատարագ: Պատարագիչն էր ԱՄՆ արեւելյան հայոց թեմի փոխառաջնորդ Ս. Սիմեոն արք. Օդաբաշյանը: Օրվա խորհուրդի շուրջ քարոզ խոսեց Գեղարքունիքի թեմի առաջնորդական տեղապահ Ս. Պարթեւ վրդ. Բարսեղյանը:

Իր քարոզում հայր սուրբը, անդրադառնալով Սուրբ Գայանյանց կույսերի կյանքին եւ նահատակությանը, ընդգծեց, որ սուրբ կուսանաց կյանքը, նահատակությունը սոսկ վարքագրություն չեն, դրանք պատմական անհերքելի իրողություն են, որոնց դասերն ուսանելի են բոլոր ժամանակներ:



րում եւ մանավանդ մեր օրերում, երբ հաճախ է փորձ արվում աղճատել, ոչնչացնել այնպիսի վեհ, նվիրական արժեքներ, ինչպիսիք են հավատը եւ նվիրումը:

«Սուրբ կույսերի սխրանքը անմահ է եւ ոգեշնչում է ամենքին: Նրանց սրբակեցադ վարքը վարակիչ է մեզ համար, որպեսզի մեր կյանքն ապրենք ժուժկա, հավասարակշռված եւ ամենակարեւորը՝ պատասխանատվության բարձր զգացումով, մեր խոսքին ու գաղափարներին հավատարիմ, խոսքն ու գործը համարժեք լինեն միմյանց, հավատքը՝ զորեղ, իսկ հավատարմությունը՝ երկրի նկատմամբ անխորտակ», – ասաց հայր Պարթեւը՝ հորդորելով հավատացյալներին սուրբ կուսանաց բարեխոսությանը եւ ամուր հավատքով կերտել իրենց անհատական կյանքը, հայրենիքի խաղաղությունը, ապահովությունն ու անվտանգությունը՝ համուն ապագայի եւ հանուն եկող սերունդների շեն ու բարօր կյանքի:

Սուրբ Հռիփսիմյանց կույսերի հիշատակի տոնախմբությունը

Նունիսի 5-ին Հայաստանյայց Առաքելական Սուրբ Եկեղեցին տոնախմբեց Սուրբ Հռիփսիմյանց կույսերի հիշատակը: Տոնական այդ օրը նաեւ Սուրբ Հռիփսիմե վանքի ուխտի օրն է:

Առավոտյան Մայր Աթոռ Սուրբ Էջմիածնից եկեղեցականների թափորը հավատացյալների ուղեկցությամբ, Էջմիածնի հայրոցյաց տան սաների թմբուկների զարկերի ներքո, շարժվեց դեպի Սուրբ Հռիփսիմե վանք՝ տանելով Սուրբ Հռիփսիմեի մասունքները: Սուրբ Գրիգոր Լուսավորչի կամարի առջև Ամենայն Հայոց Հայրապետը սրբազան Աջով օրհնեց հոգեւոր դասին եւ ներկա բարեպաշտ ժողովրդին՝ այն փոխանցելով Մայր Աթոռի քրիստոնեական դաստիարակության կենտրոնի տնօրեն Ս. Զաքարիա ծ. վրդ. Բաղդասյանին:

Սուրբ Հռիփսիմե վանքի առջև թափորը դիմավորեցին վանքի հոգեւոր սպասավորները եւ տարբեր վայրերից ժամանած բազում ուխտավորներ՝ Մայր Աթոռ Սուրբ Էջմիածնի վանորդից տեսուչ Ս. Արտակ եպս. Տիգրանյանի գլխավորությամբ:

Բերկրառատ տոնի առիթով Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի նախագահությամբ Սուրբ Հռիփսիմե վանքում մատուցվեց սուրբ եւ անմահ պատարագ: Պատարագիչն էր Մայր Աթոռ Սուրբ Էջմիածնի միաբան Ս. Սիմաս արք. Հախվերդյանը: Պատարագի սրբազան արարողությանը ներկա էին Գերագույն հոգեւոր խորհրդի առիթով Մայր Աթոռ ժամանած թեմակալ առաջնորդներ, միաբանական համագումարի մասնակիցներ եւ բազում ուխտավոր հայորդիներ:

Օրվա խորհրդի մասին քարոզեց Բելգիայի հայ համայնքի հոգեւոր հովիվ Ս. Զատիկ վրդ. Ավետիքյանը:



Հայր սուրբը, անդրադառնալով օրվա խորհրդին, պատգամեց հավատավոր ժողովրդին հետեւել կույս Հռիփսիմեի սրբության օրինակին եւ սրբուհու բարեխոսությամբ ամրանալ հավատքի մեջ:

«Սիրելի հավատացյալներ, աղոթենք առ Աստված, որ ինչպես պատմության ընթացքում Սուրբ Հռիփսիմեի օրինակով բազմաթիվ հավատացյալներ իրենց գործունեությամբ կենդանի պահեցին մեր հավատքը, այնպես էլ այսօր եւ վաղը հայտնի ու անհայտ մոր սրբեր ծնունդ առնեն մեր եկեղեցու անդաստանի մեջ եւ ապահովեն մեր կյանքում Հռիփսիմյանց կույսերի ոգին», – ասաց հայր Զատիկը՝ հորդորելով հավատացյալներին լցվել հավատքով, հույսով, սիրով ու հայցել Աստծու ողորմությունը մեր երկրի ու ժողովրդի համար:

Կաթողիկե Սուրբ Էջմիածնի տոնը Մայր Աթոռում

Նունիսի 11-ին Հայաստանյայց Առաքելական Սուրբ Եկեղեցին մեծ Կաթողիկե Սուրբ Էջմիածնի տոնը:

Բերկրառատ օրվա առիթով Մայր Աթոռ Սուրբ Էջմիածնի միաբանությունը, Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի գլխավորությամբ, պատարագի սրբազան արարողությանը մասնակցեց Սուրբ Գայանե վանքում:

Պատարագի սրբազան արարողությանը ներկա էին Մայր Աթոռ ժամանած թեմակալ առաջնորդներ, Սուրբ Էջմիածնի տարբեր կառույցներում պաշտոնավարող եպիսկոպոսներ, միաբանական համագումարի մասնակիցներ եւ բազում ուխտավոր հայորդիներ:

Պատարագիչն էր Մայր Աթոռի լուսարարապետ Ս. Մուշեղ եպս. Բաբայանը:

Տոնի խորհրդի շուրջ քարոզ խոսեց Կ. Պոլսի Հայոց Պատրիարք Ս. Սահակ արք. Մաշալյանը: Պատրիարք հայրը, անդրադառնալով օրվա խորհրդին, մասնավորապես մեծ. «Ինչո՞վ է կարելի Էջմիածինը մեզ համար: Սուրբ Էջմիածինը մեզ համար միայն տաճար չէ, այլ գաղափար է, մեր ազգը միավորող ամենագորեղ իրողություններից մեկն է, ուխտ եւ տեսիլք է մեզ համար: Այս տարածքը՝ Վաղարշապատը, մեզ համար դարձավ Սուրբ Էջմիածին Աստծու կամքով ու ողորմությամբ: Աստ-



ված մեզ տվեց հայկական Ավագ շաբաթը, որն սկսվում է Հռիփսիմյանց կույսերի նահատակությամբ եւ հանուն մինչեւ շաբաթ՝ Սուրբ Գրիգոր Լուսավորչի «Եւն ի վիրապէն» տոնը, հայոց պետականության քրիստոնեացման իրադարձությունից մինչեւ Սուրբ Գրիգոր Լուսավորչի տեսիլքը: Ուրեմն՝ այս Ավագ շաբաթն է, որ մեր ազգի պատմության մեջ անմոռանալի հետքեր է թողել: Աստված մարմնացրեց իր գաղափարը Սուրբ Էջմիածնի տաճարի մեջ, եւ այս խորհուրդը մեր նախնիները փոխանցել են մեր սերունդներին, ու դրա շնորհիվ է, որ մենք մեկ ազգ ենք»:

Պատրիարք սրբազանը հորդորեց հավատացյալներին մշտապես վառ պահել հայոց սրբությունները իրենց հիշողության մեջ, ապրել ու զորանալ Սուրբ Էջմիածնի խորհրդով:

Սուրբ Պատարագի ավարտին Ամենայն Հայոց Հայրապետի հանդիսապետությամբ կատարվեց հայրապետական մաղթանք: Ներկա հավատացյալ ժողովուրդը եւ եկեղեցականաց դասն աղոթք բարձրացրեցին առ Աստված Մայր Աթոռ Սուրբ Էջմիածնի շենացման, անսասանության եւ իր սրբազան առաքելության հարատւության համար:

Ամենայն Հայոց Կաթողիկոսը շուտափույթ ապաքինման իր մաղթանքներն է հղել Ֆրանցիսկոս Պապին

Հունիսի 9-ին Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը շուտափույթ ապաքինման իր մաղթանքներն է հղել Հռոմի Սրբազան Քահանայապետ Նորին Սրբություն Ֆրանցիսկոս Պապին՝ վերահաստատելով առիթով: Ամենայն Հայոց Կաթողիկոսը բարենաղթել է, որ ամենախնամ Տերը քաջառողջություն պարգևի Նորին Սրբություն Ֆրանցիսկոս Պապին՝ շնորհելով հովվապետական երկար տարիների ծառայությունը:

Կարգալույծ է հռչակվել Ս. Աղամ քին. Մովսեսյանը

Հունիսի 7-ին Ամենայն Հայոց Կաթողիկոսի հայրապետական տնօրինությամբ կարգալույծ է հռչակվել Ս. Աղամ քին. Մովսեսյանը: Տնօրինության համար հիմք են ծառայել Ս. Աղամ քահանայի՝ Իրաքի հայոց թեմում ծառայության վայրն ինքնակամ լքելը եւ ԱՄՆ մեկնելը: Կարգալույծ եկեղեցականը դասվում է աշխարհականների շարքին՝ Դավիթ Մովսեսյան ավագանի անունով:

Լրատվական նյութերը՝
Մայր Աթոռ Սուրբ Էջմիածնի
տեղեկատվական համակարգի

Վազգեն Ա Պալճյանի հայրապետության շրջան (1955–1994)

1926 թ. մյուռնոսրինությունից հետո մինչև 1955 թ. մյուռնոսրինություն չի կատարվել: Դա պայմանավորված էր խորհրդային իշխանությունների հակահայկական քաղաքականությամբ: Չնայած դրան՝ Գեորգ Զ Չորեքյան հայրապետը (1945–1954 թթ.) ամեն ջանք գործադրում էր, որ կարողանար կատարել հայ ժողովրդի ամենամոլորական ազգային-եկեղեցական հանդեսը: 1945 թ. Գեորգ Զ կաթողիկոսը Կենտրոնական իշխանությանը ներկայացնում է դիմում, որով թույլատրվում էր կատարել մյուռնոսրինություն: Գեորգ հայրապետը որոշել էր մյուռնոսրինություն սեպտեմբերի 29-ին՝ Վարագա Ա. Խաչի տոնին (տես Մյուռնոսրինությունը ժԹ–ԻԱ դարերում, փաստաթղթերի եւ մյուսների ժողովածու, Ա. Էջմիածին, 2015, էջ 374): Սակայն 1946 թ. նշանակված եւ կառավարության հաստատած մյուռնոսրինությունը կրկին հետաձգվում է մինչև 1947 թ. աշուն: Հետաձգման պատճառով Գեորգ հայրապետը որոշում է մյուռնոսրինություն սեպտեմբերի 28-ին՝ Վարագա Ա. Խաչի տոնին: Հետաձգման մասին լուրը հեռագրով Գեորգ Զ կաթողիկոսը 1946 թ. օգոստոսի 28-ին հայտնում է Մեծի Տանն Կիլիկիո Գարեգին Ա կաթողիկոսին (անդ, էջ 376): Այս անգամ կրկին մյուռնոսրինություն տեղի չի ունենում: 1949 թ. Գեորգ Զ հայրապետը գաղտնի նամակ է գրում ԽՍՀՄ ՄԻ Մախագա Ի. Ստալինին, որտեղ նա գրում է. «Նախատեսվում է ժողովի հետ միաժամանակ կատարել մյուռնոսրինություն, որ պիտի լինի դեռ անցյալ տարի եւ հետաձգվեց ընթացիկ տարվա աշնանը՝ կառավարության ցանկությամբ: Դա համապատասխանում էր մեր ցանկությանը, սակայն առիթ տվեց հակախորհրդային սադրանքների: Խորհրդային կառավարությունը մեղադրվում է մյուռնոսրինության արգելելու եւ Հայ եկեղեցին կառավարությանը սերտաճեցնելու մեջ» (Վավերագրեր Հայ եկեղեցու պատմության, հատոր 2, Գեորգ Զ Չորեքյան Կաթողիկոս Ամենայն Հայոց (1938–1955), Երևան, 1999, էջ 552):

Արդեն 1952 թ. հունիսի 12-ին Գեորգ Զ կաթողիկոսը կոնդակով տեղեկացնում է մյուռնոսրինության մասին: Կոնդակում կարդում ենք. «.....քսանվեց տարի է, որ Ա. Էջմիածնում տեղի ունեցած չէ սրբալույս միառնոսրինության, հայ ժողովրդի սրտին մօտիկ նուիրական եւ խորհրդաւոր սուրբ արարողութիւն, որի հետեւանքով գրկուել է նա հոգեկան բարձր մխիթարությունից: 1926 թուից ցայսօր սրբալույս միառնոսրինության տեղի չի ունեցել եւ ներկայումս Հայ եկեղեցին սրբալույս միառնոսրինության մեծ կարիք ունի, նկատի առնելով նաեւ հայ ժողովրդի կրօնական պահանջն ու անգուսպ տենչը..... Մենք, չնայելով աշխարհի ակեղծ վիճակին, այն հայրապետական կոնդակով, Ա. Հոգու գորութեան եւ շնորհիմ ապաւինած, ծանուցանում ենք Մեր լծակից եւ գործակից եղբարք, եկեղեցու հաւատարիմ պաշտօնութեան եւ Մեր սիրեցեալ հօտին, որ 1953 թուին որոշել ենք սրբալույս միառնոսրինության կատարել Հայ եկեղեցու հմաւանդ սովորութեան համաձայն» («Միառնոսրինությունը ժԹ–ԻԱ դարերում», էջ 385–386):

Այս անգամ եւս մյուռնոսրինությունը հետաձգվում է:

1954 թ. Գեորգ Զ հայրապետը հեռագրով դիմում է մայր հայրենիքի եւ սփյուռքի թեմերին՝ նույն թվականին հրավիրելով մյուռնոսրինության: Հեռագրում ասվում էր, որ 1954 թ. սեպտեմբերի 26-ին՝ Վարագա Ա. Խաչի տոնին, որոշվել է մյուռնոսրինություն: Այնուհետեւ հեռագրում կարդում ենք, որ հայրապետը պատվիրում է եկեղեցու բոլոր եպիսկոպոսներին եւ հայրապետական թեմի բոլոր առաջնորդներին գալ Ա. Էջմիածին եւ մասնակցել հանդեսին, ինչպես նաեւ սփյուռքի տասնմեկ թեմերից եւ Երուսաղեմի ու Կ. Պոլսի պատրիարքարաններից



մի-մի աշխարհիկ պատգամավոր ուղարկել (անդ, էջ 390): Սակայն այս անգամ, Գեորգ Զ Չորեքյան հայրապետի վերահաս մահվան պատճառով, մյուռնոսրինություն տեղի չի ունենում: Այդպես էլ երկար ու դժվար փորձերից հետո Գեորգ Զ հայրապետին չհաջողվեց կատարել մյուռնոսրինություն:

Սակայն 29 տարվա երկարատեւ ընդմիջումից հետո՝ 1955 թ. հոկտեմբերի 8-ին՝ Ա. Թարգմանիչ վարդապետների տոնախմբության օրը, նորածն Վազգեն Ա Պալճյան կաթողիկոսը (1955–1994 թթ.) հայրապետական գահին բազմելուց մեկ շաբաթ անց կատարում է երկար սպասված սրբալույս մյուռնոսրինությունը: Օրինության այս մեծաշուք հանդեսին ներկա էին Ազգային-եկեղեցական ժողովի աշխարհիկ եւ կրօնական բոլոր պատգամավորները եւ հյուրեր: Ներկա էին ՍՍՌՄ մինիստրների սովետին կից Կրօնական պաշտամունքների գործերի խորհրդի նախագահ Ի. Վ. Պոլյանսկին եւ Հայկական ՍՍՌ մինիստրների սովետին կից Հայ եկեղեցու գործերի խորհրդի նախագահ Հ. Գ. Գրիգորյանը: Ներկա էին նաեւ Սինակի եւ Բելառուսիայի մետրոպոլիտ Պիտիրիմը, Պսկովի եւ Պորխովի եպիսկոպոս Իսահանը, Բաթումի-Շենոկմեդիի եւ Չկոնդիդի մետրոպոլիտ Եփրեմը, ինչպես նաեւ հազարավոր ուխտավորներ: «Էջմիածին» ամսագրում կարդում ենք. «.....առաջին բանը, որ աչքի է զարնում, դա ժողովրդի հոծ բազմությունն է, որը բռնել է ամբողջ վանքի բակը եւ պարսպանքից ներս եղած ողջ տարածությունը: Հայ ժողովրդի զանազան բարբառներով խոսող, տարբեր շրջաններից, տարբեր տեղերից ու վայրերից Էջմիածին լցված բազմամբոխ զանգվածներն այսօր կազմում են միասնական ամբողջություն: Ուխտավորներ էին եկել Թբիլիսիից, Բաքվից, Ռոստովից, Հյուսիսային Կովկասից, Երեւանից, Հայաստանի տարբեր շրջաններից, Սրբալույս Մյուռնոսրինության հանդեսին մասնակցելու համար, գաղթաշխարհի հայ ուխտավորներն էլ այսօր կտրել են հազարավոր մղոններ, անցել գետեր, ցամաքներ, ծովեր, աշխարհի մի ծայրից մյուս ծայրն է հասել: Ա. Էջմիածինը բաշել, բերել է նրանց բոլորին իր սիրասուն մայրական գիրկը՝ իր մեռնաբույր օրհնությունն ու սերը բաշխելու» («Սրբալույս մեռնոսրինությունը Ա. Էջմիածին», «Էջմիածին», 1955, ժ–ԺԱ, էջ 101):

1955 թ. օրհնությունից հետո հաջորդ օրհնությունը կատարվում է յոթ տարի հետո՝ 1962-ին: Վազգեն Ա կաթողիկոսի՝ ազ-

գային-եկեղեցական ժողով գումարելու եւ մյուռնոսրինություն կազմակերպելու համար 1962 թ. հուլիսի 7-ին հրապարակված կոնդակում կարդում ենք. «Անցնող այս եօթը տարիներու ընթացքին, Մենք եւ Մեր գործակիցները, մեր ուժերու չափով, աշխատանք տարինք մեր խղճի պարտքը կատարելու համար, ի վերանորոգումն եւ ի պայծառութիւն աստուածակառոյց Մայր Աթոռիս եւ ի հոգեւոր մխիթարութիւն մեր ժողովուրդին, Հայաստանի եւ արտասահմանի թեմերէն ներս... Մեր գահակալութեան եօթներորդ տարեդարձին՝ հոկտեմբեր 7-ին, կիրակի օր, Տիրոջ ողորմութեամբ պիտի օրհնենք Սրբալույս Միառնոսրինության Մայր Տաճարի մէջ՝ ըստ կանոնաց եւ կարգաց մեր Առաքելական Ա. եկեղեցւոյն» («Մյուռնոսրինությունը ժԹ–ԻԱ դարերում», էջ 402): Օրհնությանն ուխտավորներ էին եկել Հայաստանի զանազան շրջաններից, ինչպես նաեւ Թբիլիսիից, Բաքվից, Ռոստովից, Հյուսիսային Կովկասից եւ Մոսկվայից: Վեհափառ Հայրապետի հրավերով Հայաստան էին եկել նաեւ Մոսկվայի եւ Համայն Ռուսաստանի Պատրիարք Նորին Սրբություն Ալեքսիի ներկայացուցիչ Բիմեն մետրոպոլիտը, Ալեքսանդր եպիսկոպոսը եւ Համայն Վրաց պատրիարք-կաթողիկոս Եփրեմ Բ-ի ներկայացուցիչ Իլիա վարդապետը (տես «Սրբալույս մեռնոսրինությունը Մայր Տաճարում», «Էջմիածին», 1962, ժ–ԺԱ, էջ 77–79):

1969 թ. հոկտեմբերի 5-ին Վազգեն Ա հայրապետը մեծաշուք հանդիսավորությամբ իր գահակալության 14-րդ տարում երրորդ անգամ կատարում է սրբալույս մյուռնոսրինություն: «Էջմիածին» ամսագրում կարդում ենք. «Անձրեւում է. այնուամենայնիվ ուխտավորների, պատգամավորների աշխարհախառն բազմությունը, շուրջ 40 000 հոգի՝ սփյուռքից, Երեւանից, Հայաստանի զանազան շրջաններից եւ հարեւան եղբայրական հանրապետություններից եկած, մեծ հրճվանքով մասնակցում են սրբալույս մյուռնոսրինության հանդիսությանը» («Սրբալույս մեռնոսրինությունը», «Էջմիածին», 1969, ժ–ԺԱ, էջ 54): Մայր Աթոռն ամբողջությամբ լցված էր ուխտավորներով, իսկ կարգապահությունը հսկում էր հարյուր հիսուն ոստիկան՝ տոնական համազգեստներով: Օրհնությանը ներկա էին նաեւ Երուսաղեմի պատրիարք Տ. Եղիշե արք. Տերտերյանը եւ Կ. Պոլսի պատրիարք Տ. Շնորհարք արք. Գալուստյանը: Վազգեն Ա կաթողիկոսի

հրավերով այստեղ էին Ռուս Ուղղափառ եկեղեցու պատվիրակությունը, որը գլխավորում էր Տալլինի եւ Էստոնիայի մետրոպոլիտ Ալեքսի, Քիշնեւի եւ Մոլդովայի եպիսկոպոս Վորժոլեմեյը, Վրաց եկեղեցու ներկայացուցիչներ, Ավստրոլո եւ Բոսնիայի եպիսկոպոս Անտոնը, Հռոմի Կաթոլիկ եկեղեցու Պողոս Զ պապի ներկայացուցիչներ հայր Ժ. Համմերը եւ հայր Դյուպրեն, Եկեղեցիների համաշխարհային խորհրդի ներկայացուցիչներ Լ. Վիշերը, Ժիգուկասը եւ այլն (անդ, էջ 60): Հետաքրքրական է, որ Ի դարի կեսերից Հայ եկեղեցու մյուռնոսրինությանն սկսում են իրենց մասնակցությունը բերել բազմաթիվ եկեղեցիների առաջնորդներ ու ներկայացուցիչներ:

1976 թ. օրհնությանը Ա. Էջմիածինը եւս մեկ անգամ իր հովանու ներքո էր հրավիրել աշխարհասփյուռ հայությանը: Հայ ուխտավորներն աշխարհի բոլոր ծագերից եկել էին Ա. Էջմիածին ու մայր հայրենիք՝ իրենց հետ բերելով բոլոր կարոտներ, կրօնական եւ հայրենասիրական հույզ ու ապրում: Ինչպես «Էջմիածին» ամսագրում ենք կարդում. «.....պատգամավորների, ուխտավորների աշխարհախառն բազմությունը, ավելի քան քառասուն հազար հոգի՝ սփյուռքից, հայոց քաղաքամայր Երեւանից, մեր հանրապետության զանազան շրջաններից եւ հարեւան եղբայրական հանրապետություններից եկած, հոգեկան մեծ հրճվանքով, ազգային հպարտության քաղցր զգացումներով ներկա եղավ սրբալույս մյուռնոսրինությանը, որը կատարվեց բացօթյա, Մայր Տաճարի արեւմտյան մասում, զանգակատան առաջ հատուկ պատրաստված բեմի վրա» («Օրհնությունը սրբալույս մեռնոսրինության», «Էջմիածին», 1976, ժ–ԺԱ, էջ 38):

1983 թ. սեպտեմբերի 25-ին Վազգեն Ա կաթողիկոսն իր գահակալության քսանութերորդ տարում հինգերորդ անգամ կատարում է սրբալույս մյուռնոսրինությունը: Ինչպես մյուս օրհնություններին, այս օրհնությունը եւս լի էր ուխտավորներով (տես «Սրբալույս մեռնոսրինությունը», «Էջմիածին», 1983, Թ–Ժ, էջ 25–27):

1990 թ. պետք է տեղի ունենար մյուռնոսրինություն, սակայն այն հետաձգվում է՝ Հայաստանում տիրող քաղաքական բարդ իրավիճակի պատճառով, եւ հաջորդ տարի Վազգեն Ա կաթողիկոսին բախտ է վիճակվում ոչ միայն տեսնելու հայոց նորոգ պետականությունը, այլեւ առաջին օրհնությունը կատարելու նորանկախ Հայաստանում եւ օրհնված մյուռնոսրինությանը հռչակելու Անկախության մյուռնոսրինության (տես Ա. Վարդանյան, Սուրբ մյուռնոսրինություն Մայր Աթոռ Սուրբ Էջմիածնում, «Էջմիածին», 1996, Թ, էջ 42): 1991-ի օրհնությանը Մայր Աթոռը ողողված էր հազարավոր ուխտավորներով: Ամենայն Հայոց հայրապետի հրավերով Մայր Աթոռ էին ժամանել Մեծի Տանն Կիլիկիո Գարեգին Բ կաթողիկոսը, Երուսաղեմի եւ Կ. Պոլսի պատրիարքները, ինչպես նաեւ բոլոր եկեղեցիների ներկայացուցիչներ: Մյուռնոսրինության առթիվ Մայր Աթոռ ժամանած Շահան արք. Սվաճյանն իր «Ուխտագնացություն» Մայր Աթոռ Ա. Էջմիածին» գրքում գրում է. «Ինչ պատկառազոր խորհրդատուներին ուներ այս պահը, երբ անդին ուղղակի հազարավոր ժողովուրդ գրեթե մէկ բերան կերգէր. «Ամէն Ալելուիա»ն: Եւ ինքը՝ Վազգեն Ա Կաթողիկոս, իր Հայրապետական սուրբ օծությամբ Կենաց Փայտի մասունքով, Ա. Գեղարդով եւ Ա. Գրիգոր Լուսավորչի Աջով, հատիկ հատիկ կըսէր. «Օրհնեսցի եւ սրբեսցի սրբալույս միառնոսրինությունը»: Դարեր իրարու խառնուած էին: Կարծեք հոն, այդ բեմին վրայ եկած կեցած էր Հայոց Հաւատքի Հայր՝ Ա. Գրիգոր Լուսավորչի...» (Շահան արք. Սվաճյան, Ուխտագնացութիւն Մայր Աթոռ Ա. Էջմիածին, Իսթանպուլ, 1993, էջ 32–33):



Հայացք դարի բարձունքից

Մեր ժողովրդի պանծալի դուստրերից մեկն էլ Մարիամ Ասլամազյանն է: Խորհրդային Միության եւ Յայաստանի ժողովրդական նկարիչը՝ միջազգային հեղինակավոր մրցանակների դափնեկիրը, ապրեց ուղիղ հարյուր գարուն: 1906–2006 թթ.– փորագրված է Կոմիտասի անվան զբոսայգու՝ հայ մեծերի պանթեոնում հանգչող գեղանկարչուհու տապանաքարին: Եվ նրան երկարակեցություն պարգևեց բոլոր բարիքների մայրը՝ աշխատանքը:

Շուրջ յոթ տասնամյակ, սրտի եւ հոգու թարգման իր անբաժան վրձնով, շրջագայել է նա աշխարհի շատ երկրներում եւ կյանքի բանաստեղծական ընկալմամբ ու ստեղծագործական բերկրամքով կերտել իր արեւոտ կտավները: Բնակվում էր Մոսկվայում, սակայն հոգին մայր Յայաստանի հետ կապված էր մշտաբար, մի առանձնակի սիրով՝ ակունքներով, արյամբ, ստեղծագործական ներաշխարհով եւ պարզապես սրտի կամոքով:

Ծնվել է Ալեքսանդրապոլից (Գյումրիից) ոչ այնքան հեռու՝ Բագրատունյաց արքայանիստ Շիրակավանում (Երազգավորգ)՝ Ախուրյան գետի չքնաղ աջափնյակում (որն այժմ, ցավոք, սահմանի ամենակուլ՝ թրքական կողմում է...): Հենց այստեղ էլ արծաթահունչ ջրերի, գեղադալար, վարսաթափ ուռիների, մաքրյան բարդիների սոսափն ու հայրական ջրաղացի անուշամայն մեղեդիները միացել են եղնիկ վճիտ հայացքով պարմանուհու մաքրամաքուր հոգու թրթռներին, դարձել երանգաշատ համանվազ, երազանքի թեւեր տվել աղջնակին:

Հիշատակենք նաեւ, որ Ախուրյանն ի վար՝ Ղազարապատ շենում, գետակի վրա թեքված ուռիների շվաքում էլ մեծն պոետ Ավետիք Իսահակյանենց հայրական ջրաղաց էր ախորժալուր համերգում...

Գործունյա այր, բազմահմուտ մեխանիկ, ջրաղացատեր Արշակ Ասլամազյանի շեն ու լի հյուրընկալ օջախում, ինչպես հեքիաթներում, հասակ են առել ընտանիքի յոթ աղջիկն ու միակ որդին, որոնք բոլորն էլ բարձրագույն կրթություն ստանալով, առաջատար մասնագետներ, երկրի ու ժողովրդի համար արժանավոր մարդիկ եղան:

Ջավակներից Մարիամն ու Երանուհին դարձան ճանաչված գեղանկարչուհիներ: Վաղուց անտի նրանց շատ ստեղծագործություններ զարդարում են երեսմյան, մուսկոլյան, դրեզդենյան եւ աշխարհի ավելի քան քառասուն պատկերասրահներ ու թանգարաններ:

Կերպարվեստի տեսաբանները նկատել են, որ քույրերն արյունակից հարազատ են նաեւ իրենց ստեղծագործական ոճով ու ձեռագրով: «Մեզ հաճախ են հանդիմանում, թե իրականից ավելի գեղեցիկ, միջեւ իսկ իդեալականացված ենք կերպարվորում Յայաստանն ու ամեն հայկականը: Դե, ի՞նչ, այո՛, մենք հենց այդպես ենք տեսնում եւ ընկալում մեր հող-հայրենին՝ բազմաձայն, լուսեղեն, կենսավառ»: Ցուցահանդեսների առիթով, սրտի խորքից, հաճախ են այս իրողությունը հնչեցրել արվեստագետ քույրերը: Արդարեւ, ամեն բարեպատեհ առիթով նրանք սիրով եւ արժանապատվորեն են ներկայացրել հայ գեղագետների՝ իրենց զանձերի շռայլ պատկերասրահը, գործեր, որոնք ունեն ազգային եւ համամարդկային շատ ընդհանուր գծեր, բովանդակային ընդգրկումներ:

Աստվածատուր շնորհքով օժտված գեղանկարչուհիների կենսահաստատ, լուսավոր զգացումներով առեցուն արվեստի մասին գրվել են տասնյակ արվեստաբանական գրքեր, հարյուրավոր հոդվածներ, հրատարակվել պատկերագրքեր (ալբոմներ): Նրանց ստեղծագործական կեսդարյա կյանքն առավել իմաստավորվեց, երբ մոսկվաբնակ

քույրերը, որպես սրտի վաղեմի փափագ, իրենց ստեղծագործությունների հունձք-ընտրանին՝ շուրջ 660 գեղանկարչական եւ խեցեգործական աշխատանք, լիասիրտ նվիրաբերեցին հայրենի Լենինական (այժմ՝ Գյումրի) քաղաքին, որտեղ 1987 թվականից գործում է «Ասլամազյան քույրերի պատկերասրահ»-ը:

Արեւելյան կոլորիտի հարազատ զգացողությամբ ու ոգեշնչւմով ստեղծված գործերը հայ նկարչուհի Մ. Ասլամազյանին բերեցին Արեւելքի հնագույն քաղաքակրթության երկու երկրի՝ Հնդկաստանի եւ Եգիպտոսի պատվավոր մրցանակներ: Հնդկաստանում Ջավահարլալ Ներուի անվան մրցանակը 1973-ին գեղանկարչուհուն է հանձնել Ջ. Ներուի դուստրը՝ երկրի պրեմիեր-մինիստր Ինդիրա Գանդին:

Նկարների հնդկական թեմատիկայով շարքի համար Ջ. Ներուի անվան մրցանակների արժանացած խորհրդային երեք արվեստագետների՝ Մարիամ Ասլամազյանի, Վերա Արալովայի եւ Մարինա Միրոնովայի աշխատանքները 1975-ին ցուցադրվեցին մայրաքաղաք Դելիում եւ բազմամիլիոնացի Բոմբեյ քաղաքում: Այս առիթով գեղանկարչուհիներին կառավարական իր պաշտոնավայրում ընդունում է Ի. Գանդին:

Մ. Ասլամազյանը պրեմիեր-մինիստրին է նվիրում երկու տարի առաջ պատկերագրած նրա յուզանքերի դիմանկարը: Այն շատ է դուր գալիս Ի. Գանդիին, մանավանդ որ խորապատկերում հմտորեն գետեղված էր նաեւ պաշտելի հոր՝ Հնդկաստանի նախկին պրեմիեր-մինիստր Երջանակ-հիշատակ Ջ. Ներուի մեծադիր լուսանկարը: Այստեղ, իմիջիպիսի, փոքրիկ մի եղելություն, որը հետաքրքիր է ինքնին... Մարդկային ջերմ ու սիրալի մթնոլորտում ընթացող հյուրընկալության ժամանակ Ի. Գանդին ուշադրությունը գրավում է Մ. Ասլամազյանի մեջքի զարդը՝ ուշմիջնադարյան հայ վարպետների ստեղծած արծաթյա զոտին (դե, կինը միշտ կին է...): Նշում է, որ այն «հիրավի, արվեստի յուրօրինակ, սքանչելի գործ է»: Մ. Ասլամազյանը մտապահում է դա...

Հաջորդ տարի, երբ Ի. Գանդին պետական-պաշտոնական այցով ժամանում է Մոսկվա, այնուհետեւ՝ Երեւան, նկարչուհին Հնդկաստանի ղեկավարին (ի դեպ՝ նաեւ նրա երկու հարսների) նվիրում է արծաթյա հնաոճ զոտիներ: Ի. Գանդին, խորապես զգացված նման ուշադրությունից, երախտագիտորեն ընդունում է ընծաները:

Ասում են, թե հայկական զոտին նա հաճույքով հաճախակի կրում էր մինչեւ... իր ողբերգական մահը... «Խելացի, հմայիչ, աստվածային այդ Մեծ Տիկնոջ հիշատակը ընդմիշտ կնմա իմ սրտում»,– ի խորոց սրտի գրել է Մ. Ասլամազյանը:

Մրցանակակիր նկարչուհիներին նվիրված «Երեք մեմախոսություն» կինոնկարը նկարահանող «Սոյուզդոկու-մենտալֆիլմ» կինոստուդիայի աշխատանքային խումբը Հնդկաստանից հետո եկավ Մ. Ասլամազյանի բնօրրան Յայաստան: Մ. Ասլամազյանի ցանկությամբ նկարահանումների զգալի մասը կատարվեց նրա մախասիրած «ամենահայկական» վայրերում՝ Աշտարակում, Ուջանում, Ոսկեվազում, Օշականում, Բյուրականում, Տեղերում, Ամբերդում, Սաղմոսավանքում...

«Աշտարակը շատ հայաշունչ է, այն ասես Յայաստանի ու հայաշխարհի մի յուրօրինակ խտացումը լինի»,– խանդավառված արտահայտվեց նկարչուհին:– Այստեղ ես ավելի խորն են զգում Յայաստանի բնաշխարհիկ ոգին ու գույները՝ իր բնորոշ էպիկական ու լիրիկական գծերով:

Մոսկվացի կինոգործիչներն ամենուր նրան նկարահանեցին երանգակալը, վրձինն ու մատիտը ձեռքին, աշխատանքային միջավայրում՝ բնության անձեռնակերտ իռաշարժանների, պատմական կոթողների, ծաղկառատ լեռնալանջերի հետնապատկերով, բարեբեր այգիներում, հյուրընկալ հայկական օջախներում, բոլոր այն նվիրական, հոգեմոտ վայրերում, ուր իր ստեղծագործական ամբողջ կյանքի ընթացքում հաճախ շրջել է գեղանկարչուհին, կերտել ալսլամազյանական իր անգուգական մատյուրմոտները, դիմանկարներն ու քնարական բնապատկերները, փառաբանել Յայաստան հայրենիքը:

Ուջանում գեղանկարչուհին ու մոսկվացի կինեմատոգրաֆիստները երիտասարդ բանաստեղծ, լրագրող, իմ աշխատանքային ընկերոջ՝ Ղուկաս Սիրունյանի հարսանյաց հանդեսի պատվավոր հյուրերն էին:

Հարսանիքը գյուղովի էր...

Պետք էր տեսնել, թե Մ. Ասլամազյանը, իրեն համակած վաղեմի տարերքի մեջ, ինչ կարոտով էր դիտում Ջորավար Անդրանիկի արձանամերձ հրապարակում սասունցիների ազգագրական պարերը (ի դեպ՝ տեղին է հիշել, որ մեր բնիկ հայկական պարերով ժամանակին հիացել եւ իր գրչով արժեւորել է ռուս ակնավոր գրող Մաքսիմ Գորկին):

Արեւելյան վառ գորգերով ու կարպետներով զարդարված տան ընդարձակ բակում գեղանկարչուհին ակնդետ հետեւում էր հարսանեկան ծիսակարգերին, արագ-արագ ճեպանկարներ անում, իր ապագա մտահղացումների համար «որսում» տիպաժներ, կոմպոզիցիոն ուշագրավ իրավիճակներ:

Կինոֆիլմի նկարահանման օրերին էլ սկզբնավորվեց եւ շուրջ 30 տարի շարունակվեց նկարչուհու եւ իմ բարեկամությունը:

Ամիսներ անց նա ինձ հրավիրեց Մոսկվա՝ մասնակցելու «Երեք մեմախոսություն» կինոնկարի առաջնադիտմանը («Դուք էլ Ձեր կազմակերպչական աջակցությունը բերեցիք

մեր ֆիլմի ստեղծմանը, այնպես որ՝ համեցեք պրեմիերային»,– գրել էր մամակում:

Կարճամետրաժ երեքմասանոց կինոնկարի առաջնադիտումը կայացավ ԽՍՀՄ մայրաքաղաքի «Ռոսիա» շքեղ կինոթատրոնում: Լայն էկրանին շուտով երեւացին նաեւ հայաստանյան հարազատ, գունագեղ պատկերներ, ծանոթ դեմքեր, դրվագներ հարսանիքից՝ կենտրոնում ամոթխած հարսն ու պարթեւահասակ փեսան: Կինոդիտողի սիրտն էլ թունդ առավ զուռնա-դիոլի զիլ թնդունից, «Յար խուշտալի» կրակոտ ռիթմերից, որոնք մեկեն ասես «պայթեցին» դահլիճում: Հընթացս ցուցադրվում էին նաեւ հարսանքատեղում արված ճեպանկարներից «ծնված» դիմանկարներ, ապա աշտարակյան բնապատկերներ՝ դրանց համադրելով նաեւ երեք նկարչուհիների կտավներ, հետո կրկին տեսարաններ Հնդկաստանից եւ Յայաստանից՝ հռչակավոր Թաջ-Մահալ տաճարը, մեր վեհանիստ Արարատը, Մայր Աթոռ Սուրբ Էջմիածինը, Վազգեն Վեհափառը, Ինդիրա Գանդին... որ մեկը թվել...

Ֆիլմի ցուցադրության ավարտին հաջորդեցին մոսկվացի հանդիսատեսի չդադարող, փոթորկալի ծափողջույնները, որոնք հասցեագրված էին կինոնկարի՝ արդեն կինոթատրոնի լուսավորված բեմահարթակ բարձրացած հերոսներին՝ երեք տաղանդավոր գեղագետներին եւ ֆիլմը հեղինակած կինոստուդիայի աշխատակազմին: Ջերմ ծափերը, արդարեւ, նաեւ հանդիսատեսի երախտիքի անկեղծ արտահայտությունն էին՝ բարձրակարգ կինեմատոգրաֆիայի



Մարիամ Ասլամազյանը Մերթ Մանուկյանի հետ

միջոցով գեղանկարչուհիների առիթմնող արվեստին հաղորդակցվելու, սքանչացումի անանց պահեր ապրելու համար: Արժանին պիտի ասել եւ հատկանշել այն իրողությունը, որ կինոֆիլմի Մարիամ Ասլամազյանին նվիրված մասն իր վառ կոլորիտով, գեղարվեստական շնչով ու թափով եւ ասելիքի ընդգրկմամբ, հիրավի, գողտրիկ ներբող էր առ Յայաստան, նրա ավանդապահ, բարեմիտ ու ստեղծարար մարդկանց, անկրկնելի բնությանը եւ, իհարկե, այդ ամենը վառ գույների ու խոսուն պատկերների լեզվով բանաստեղծականացրած մեծատաղանդ հայ նկարչուհուն:

* * *

Մ. Ասլամազյանի հրավերով 1978 թ. ապրիլին մասնակցեցի Մոսկվայի Ա. Ֆադեևի անվան գրողների կենտրոնական տանը «Յայաստանի գույները» թեմատիկ ցուցահանդեսի բացմանը:

Մայրաքաղաքում եղանակն անձրևային էր՝ սառն ու մառախլապատ: Ամենկին այլ «միկրոկլիմա» էր շենքի ընդարձակ սրահներում: Այստեղ արևածին գույների թագավորությունն էր, իսկ նկարների շրջանակներից ուղղակի հոգեկան ջերմություն էր ճառագում՝ ողողված Մ. Ասլամազյանի երփնագիր լույսով:

Ցուցահանդեսի հանդիսավոր բացմանը ելույթներ ունեցան խորհրդային երկրում ճանաչված, տիտղոսակիր արվեստաբաններ, պաշտոնատար անձինք: Նրանք՝ բոլորն էլ, ըստ պատշաճի արժևորեցին Մ. Ասլամազյանի ստեղծագործական բազմաբեղուն գործունեությունը, կերպարվեստի զարգացմանը և ժողովրդին մատուցած նրա անուրանալի վաստակն ու ծառայությունները:

Ցուցադրվում էին 40-ից ավելի կտավ և խեցեգործական աշխատանք: Կտավների մեծ մասում դաշտային ու ալպիական ծաղիկներ էին՝ նկարված Բյուրականում ու Հանքավանում: Եվ ի՞նչ ծաղիկներ. կակաչները՝ հրակարմիր, ձմեռադիկները, մանուշակները, հիրիկները՝ բաց երկնագույնից մինչև մուգ արագածյանը, հազարերանգ, հազարանուն ծաղիկներ՝ բոլորն էլ թարմաշունչ, ցողաթաթավ, տրամադրող: Բնապարզ, հրաշալիք ամեն մի ծաղիկ ընկալում եւ որպես մարդ-կերպար-բնավորություն: Մեծն Իսահակյանի այնքան գովերգած «Ալազյազի գառ ու ալվան» ծաղիկները նկարչուհու վրձնումով ստացել են սյուժետային հետաքրքիր կոմպոզիցիաներ, գեղարվեստական սրտամոտ բովանդակություն՝ առաջացնելով պոետիկ հոգեհմա զգացումներ ու հույզ ինքնաբերի... Եվ մարդկանց դիմանկարները, եւ շունչ ու ոգի առած մրգերի ու դարձյալ ծաղիկների ասլամազյանական երփնագիր պատկերավորումները դիտելիս անվերապահորեն հաղորդակից ես դառնում հեղինակի խոհերին ու տրամադրություններին, առօրեականում ու սովորականում էլ գեղեցիկը տեսնելու նրա ինքնատիպ արվեստին: ➡ Էջ 7

ՅԱԿՈԲ ՊԱՏՐԻԱՐԺ ԵՒ ԵՄԻՆԱՆԻ ՔՐԻՍՏՈՆԵԱԿԱՆ ՈՒՍԱՆԵԼԻ

Սկիզբը՝ թիվ 9—10

Երկրորդ հարցում. *Հաւատքի միութեան մասին*.
Գիտցիր, թէ ինչպէս որ երկրմբը, արեգակը մէկ են, սակայն, ով որ աջք ունի, կը լուսաւորուի, իսկ ով որ չունի, արեգակն անոր կուրութեան պատճառը չէ, այսպէս ալ ով որ հաւատք ունի, միտքի աչքերով լուսաւոր է, իսկ ով որ չունի, միտքով կոյր է: Սակայն աւելի լաւ է, որ մարդ աչքով կոյր ըլլար, քան միտքով, որովհետեւ մարմնաւոր կուրութիւնը մեղքերուն պատճառ չէ: Ինչպէս Քրիստոս հրեաներուն ըսաւ, եթէ կոյր ըլլայիք, մեղք չէիք ունենար, սակայն քանի կ'ըսէք, թէ մարմնով կը տեսնենք, ի՞նչ շահ կայ մարմնաւոր տեսութենէն, երբ հոգիով կոյր էք, ու այդ պատճառով մեղքը ձեր մէջ հաստատուած է:

Ինչ ազգ որ Մէկ Աստուածութեան կը հաւատայ՝ երեք անձերով, սակայն մէկ բնութիւն, եւ Քրիստոսի մարդեղութեան, այս հաւատքը բոլոր ազգերուն մէջ մէկ հաւատք կ'ըսուի, ինչպէս Սուրբ Պօղոսը կ'ըսէ, թէ՝ *մէկ է Տէրը, մէկ հաւատքը եւ մէկ մկրտութիւնը*: Իսկ այն, որ իւրաքանչիւր ազգ այլազան կերպով կը հաւատայ եւ տեսակ-տեսակ արարողութիւններ կը կատարեն, ատոր դաւանութիւն եւ արարողութիւն կ'ըսուի ու ի՛նչ թէ հաւատք, քանի որ հաւատքը մէկ է, իսկ դաւանութիւնը իւրաքանչիւր ազգի մէջ զանազան [կերպերով կը դրսեւորուի]:


Մէկ է հաւատքը, դաւանութիւնները՝ այլազան, Մէկ է արեգակին ճառագայթը, զօրութիւնները՝ տարբեր:

Երրորդ հարցում. *Հաւատքի մասերը*.
Գիտցիր, թէ Եկեղեցւոյ վարդապետներն *աստիճան* բառը սանդուխտերէն առած են, որովհետեւ ինչպէս որ վեր ու բարձր տեղ ելլող մարդն աստիճանով ու սանդուխով կը բարձրանայ, այսպէս ալ մենք, հաւատքի աստիճաններուն միջոցաւ հաւատքի ճշմարտութեան ճանաչումին կը բարձրանանք: Նաեւ, ինչպէս մարդը հոգիէ, մարմինէ եւ բազմաթիւ յօդերէ բաղկացած մէկ մարդ է եւ ի՛նչ թէ բազում, այսպէս ալ հաւատքը, բազմաթիւ աստիճաններ ունենալով համդերձ, մէկ է եւ ի՛նչ թէ բազում:

Տակաւին, թէեւ հաւատքը մէկ է եւ ի՛նչ թէ բազում, սակայն հաւատալիքները մէկ չեն, այլ շատ են, թէեւ բոլորն ալ Մէկու մը կը վերաբերին՝ Աստուծոյ եւ Անոր գործերուն: Այդ պատճառով մէկը բազմաթիւ է, իսկ բազմաթիւը՝ մէկ: Ինչպէս Աստուածութիւնը մէկ է, սակայն երեք անձեր ունի, բայց այդ երեք անձերը մէկ Աստուածութիւն են, այդպէս ալ հաւատքը մէկ է, սակայն բազմաթիւ աստիճաններ ունի, եւ այդ բազումներն Աստուծոյ նկատմամբ մէկ են, իսկ մէկը՝ բազում: *Աստուած բարձր ու անհասանելի է, դուռ անոր չէս հասնիր, եթէ սուրբ հաւատքի աստիճանով Անոր չձգտես:*

Չորրորդ հարցում. *Քանիսն են հաւատքին աստիճանները*.
Հաւատքին աստիճանները տասներկուսն են՝ Քրիստոսի սուրբ առաքեալներու թիւին համաձայն: Անոնցմէ իւրաքանչիւրը մէկ աստիճան մը ըսաւ: Սակայն ինքն իրմէ եկող հաւատալիքները տասնչորսն են, որոնցմէ եօթն անմարմին Երրորդութեան մասին են, իսկ միւս եօթը՝ Աստուծոյ մարմնացեալ Բանին՝ Յիսուս Քրիստոսի:
Տասնչորս աստիճանով դէպի վեր՝ երկինք կ'ելլես, եթէ քիչ չհաւատաս ու բարի գործեր գործես:

Հինգերորդ հարցում. *Որո՞նք էին հաւատքի աստիճանները սահմանողները եւ ի՞նչ սահմանեցին*:
Հաւատքի տասնչորս աստիճաններուն սահմանողները Քրիստոսի տասներկու առաքեալներն էին, որոնցմէ իւրաքանչիւրը հաւատքի կարելորդ ու օգտակար խօսք մը ըսաւ՝ հաւատալի իւրաքանչիւր հաւատացողի համար: Իսկ թէ ի՞նչ սահմանեցին. գիտցիր, թէ Աստուած Հին Օրէնքը Սովսէսին տուաւ Սինա լեռան վրայ, որ մերկայիս արաբները Թուրքիսիան կը կոչեն. իսկ Նոր Օրէնքն ու հաւատքի աստիճանները՝ Սուրբ Հոգին սուրբ առաքեալներուն սորվեցուց՝ Սիօն լեռան վրայ՝ Սուրբ Վերնատան մէջ, ուր Քրիստոս Ազգ ինճշաբթի օրը պատարագեց Իր Մարմինն ու Արիւնը:
Այս եւս իմացիր, թէ ինչպէս որ Աստուած խորայնացիներուն որդիները Եգիպտոսէն՝ փարաւոնի ձեռքէն ազատելէ ետք յիսուն օր յետոյ Տասնաբանայ պատուիրանները տուաւ, այսպէս ալ մեր Քրիստոս Աստուածը Իր յարութենէն ետք յիսուներորդ օրը՝ Սուրբ Հոգիին գալուստով Նոր Օրէնքն ու հաւատքի տասնչորս աստիճանները տուաւ:



Տակաւին, ինչպէս հրեաները Եգիպտոսէն ազատեցան, որ դժոխքի օրինակն էր, եւ փարաւոնէն՝ որ սատանայի օրինակն էր, եւ ապա Աստուծոյ Օրէնքն ստացան Սովսէս մարգարէին միջնորդութեամբ, այսպէս ալ Քրիստոս նախ մեզ դժոխքի բանտէն ու սատանայի ձեռքէն ազատեց եւ ապա Իր յարութենէն յիսուն օր ետք տուաւ Իր շնորհներուն օրինակ ու Նոր Օրէնքը՝ սուրբ առաքեալներուն միջնորդութեամբ:

Տասներկու սուրբ առաքեալները Սուրբ Սիօնի Վերնատան մէջ, Մեր հաւատքին սահմանը՝ տասնչորս [աստիճանով] անխախտ դրին:

Վեցերորդ հարցում. *Առաքեալներէն ի՞նչ հաւատքի ի՞նչ աստիճանը ըսաւ*:

Հաւատքի առաջին աստիճանը Պետրոս առաքեալն ըսաւ, որ հետեւեալն է. Կը հաւատամ մէկ Աստուծոյ, ամենակալ Հօր, երկինքի ու երկրի Արարիչին:
Երկրորդը՝ Սուրբ Յովնանէն աւետարանիչը. Մէկ Տէր Յիսուս Քրիստոսին՝ Անոր [Հօր Աստուծոյ] Որդիին, մեր Տիրոջ:
Երրորդը՝ Յովնանէսի եղբայր Յակոբոսը. Սուրբ Հոգիէն յղացաւ եւ Կոյս Մարիամէն ծնաւ:
Չորրորդը՝ Անդրէաս առաքեալը. Պիղատոս Պոնտացիի հրամանով չարչարուեցաւ, խաչուելով մեռաւ ու թաղուեցաւ:
Հինգերորդը՝ Թովմաս առաքեալը. Դժոխք իջաւ:
Վեցերորդը՝ Բարդուղիմէոս առաքեալը. Երրորդ օրը մեռելներէն յարութիւն առաւ:
Եօթներորդը՝ Փիլիպպոս առաքեալը. Երկինք ելաւ ու ամենակարող Հօր աջ կողմը մտաւ:
Ութերորդը՝ Մատթէոս աւետարանիչը. Անկէ պիտի գայ դատելու համար ողջերն ու մեռելները:
Իններորդը՝ Յակոբոս Ալփեանը. Կը հաւատամ Սուրբ Հոգիին:
Տասներորդը՝ Սիմոն Կանանացի. Եւ Սուրբ Կաթողիկէ Եկեղեցիին ու սուրբերու հաղորդակցութեան:
Տասնմէկերորդը՝ Թադէոս առաքեալը. Մեղքերու թողութեան:
Տասներկրորդը՝ Մատաթիա առաքեալը. Մարմիններու յարութեան եւ յաւիտեանական կեանքին:

Հաւատքի այս աստիճանները Յորդանանի սուրբ քարերն են, որոնցմէ լոյսի տաճարը կը շինուի, որու մէջ Բանն Աստուածը կը բնակի:
Եօթներորդ հարցում. *Հաւատքի աստիճաններուն մեկնութիւնը*:
Ա.
Սուրբ Պետրոս առաքեալը մեզի կ'ուսուցանէ նախ եւ առաջ մէկ Աստուծոն, ի՛նչ աւելի եւ ի՛նչ պակաս. որովհետեւ

մէկ Աստուծմէ աւելի պակաս չըլլար, իսկ մէկ Աստուծմէ աւելին չկայ, այդ պատճառով ըսաւ, թէ՝ Կը հաւատամ մէկ Աստուծոյ:

Հաւատալը, սակայն, երեք կերպով է. նախ՝ հաւատալ, թէ Աստուած կայ. բարի մարդիկն այսպէս կը հաւատան, իսկ չարերը՝ այլ կերպ: Երկրորդ՝ հաւատալ Աստուծոյ, այսինքն՝ հաւատալ աստուածային Սուրբ Գիրքերուն ու օրէնքներու խօսքերուն. այս կերպով Աստուծոյ հաւատալը կը մշակուի հաւատալ Աստուծոյ անսուտ խօսքերուն ու ըսել, թէ ինչ որ Աստուած ըսած է, ճշմարիտ է. այս հաւատքն ընդհանուր է բարի ու չար մարդոց: Երրորդ՝ հաւատալ Աստուծոյ. այս կերպ հաւատալը բարի գործերով սիրելն է զինքն ու սիրով դէպի Իրեն երթալն է, եւ յաւիտեանս յաւիտենից անբաժան մնալն է Իրմէ: Այս հաւատքը յատուկ է բարի մարդոց միայն, քանի որ չար մարդիկը զԱստուծոն չեն սիրեր, այլ՝ աշխարհն ու աշխարհի ունայնութիւնները կը սիրեն, այդ պատճառով Աստուծոյ մօտ՝ երկինք չեն կրնար երթալ, այլ՝ դժոխք կ'իջնեն, ինչ բանէն Աստուած ազատէ մեզ:

Երկրորդ՝ Սուրբ Պետրոս մեզի կը սորվեցնէ հաւատալ Հայր Աստուծոյ, որ Սուրբ Երրորդութեան առաջին Անձն է. որովհետեւ միայն հաւատալ, թէ Աստուած կայ, եւ Ան մէկ է, այս հաւատքը մարդս չի փրկեր, մինչեւ որ չհաւատանք, թէ երեք Անձեր են եւ մէկ բնութիւն:

Երրորդ՝ կ'ուսուցանէ մեզի, թէ Հայր Աստուած ամենակարող է եւ ի՛նչ որ կամենայ, կրնայ ընել: Արդարեւ, քանի որ ամենակալ ու ամենակարող է, կրցաւ ոչինչէն, միայն խօսքով երկինքն ու երկիրն ստեղծել, այդ պատճառով ըսաւ՝ երկինքի ու երկրի Արարիչ: Սակայն ոչինչէն ստեղծելու այս գործը Երրորդութեան գործն է եւ ի՛նչ թէ միայն Հօր Աստուծոյ: Այս բանը կը յայտնէ Դաւիթ մարգարէն մէկ տուն սաղմոսով. *Երկիրը Տիրոջ ողորմութեամբ լեցուեցաւ*. ահաւսիկ Հայրը. *եւ Տիրոջ խօսքով երկինքը հաստատուեցաւ*. ահաւսիկ Որդին. *եւ Անոր բերանին հոգիով անոնց բոլոր զօրութիւնները*. ահաւսիկ՝ Սուրբ Հոգին:

Սուրբ Պետրոս հաւատքի վեմը, յասպիս քարն է թանկագին, Որ հաւատքի առաջին խօսքը՝ Սիօնի անարատ հիմքը դրաւ:

Բ.

Երկրորդ աստիճանը Յովնանէն աւետարանիչին ըսածն էր, թէ՝ Մէկ Տէր Յիսուս Քրիստոսին՝ Անոր [Հօր Աստուծոյ] Որդիին, մեր Տիրոջ: Սուրբ Յովնանէն այս խօսքով չորս բան կ'ուսուցանէ մեզի:

Նախ, թէ կը հաւատամ Յիսուսին՝ Աստուծոյ Որդիին, որ բոլորին Փրկիչն է, որոնք հաւատքով կը մօտենան Իրեն. որովհետեւ Յիսուս անունը փրկիչ կը թարգմանուի, իսկ մեզի, Յիսուսէն գատ, ուրիշ փրկիչ չկայ:

Երկրորդ՝ կը սորվեցնէ թէ Ան է Օծեալ Քրիստոսը, գթած ու բարեբար Տէրը, որ մեզ սատանայի գերութենէն, մեղքերէն ու մահէն փրկելու համար եկաւ ու մարմին առաւ բանական հոգիով Սուրբ Կոյսէն. Իր Աստուածութեամբ մարդկութիւնն օծեց, իբրեւ թէ խղով. այդ պատճառով իւր թափելով՝ կոչուեցաւ Անոր սուրբ անունը:

Երրորդ՝ կ'ուսուցանէ մեզի, թէ Յիսուս Քրիստոսը բնութեամբ Աստուծոյ Որդին է, ինչպէս որ Հայր Աստուած Յորդանանի եւ Թաբօր լեռան վրայ վկայեց, ըսելով՝ *Մօսկա Իմ սիրելի Որդիս է*: Իմաստունները կ'ըսեն, թէ՝ կատարեալը՝ իր նման կատարեալ կը ծնի: Արդարեւ, Հայր Աստուած կատարեալ է, որով կատարեալ ծնաւ Իր Որդին՝ մեր Տէրը Յիսուս Քրիստոս:

Չորրորդ՝ կը սորվեցնէ մեզի, թէ այդ Որդին յատկապէս մեր Տէրն է, որովհետեւ Ան մեզ ստեղծեց, ինչպէս կ'ըսէ Յովնանէն աւետարանիչը, թէ՝ *Ամէն ինչ Անով եղաւ*. Ան մեզ Իր Արեամբ գնեց, ինչպէս կ'ըսէ Պետրոս առաքեալը, թէ՝ *Ո՛չ թէ արծաթով կամ ոսկիով փրկուեցաք ձեր հայրենատուր չար գործերէն, այլ՝ Աստուծոյ անմեղ Գառնուկին՝ Քրիստոսի պատուական Արիւնով*: Քանի որ Իր Արեամբ մեզ գնեց, մեր Տէրն ու Տիրակաւնը եղաւ, իսկ մենք՝ Անոր ծառաները:

Սուրբ Յովնանէնը շափիւղայ է, երկինքի գոյնով յակինթ, Միայն մեր Տիրոջ կը հաւատայ՝ Յիսուս Փրկիչ կոչելով:
Շարունակելի

**Փոխադրութիւնը՝
Վարանդ (Յակոբ) ԶՈՐԹՈՍԵԱՆԻ**

Հայացք դարի բարձունքից

← էջ 6

Աչքդ ներքին հրճվանքով է սկսեցնում «Ծաղիկները ցայգալույսին», «Արծաթաշող սմբուկներ», «Դեկորատիվ մոտիվ», «Ծաղիկներ և լեռներ», «Գույների թագավորություն» կտավների վրա: Դրանք այնքան կենսալից, ծիծաղկուն ու արբեցնող փառահեղ են, որ մի պահ այն պատրանքն են ապրում, թե շուրջբոլորդ ինքը՝ հայրենի կենդանի բնու-

թյունն է, և մտքով սլանում ես Հայաստան կոչվող արևային մի լեռնաշխարհ...

«Հայաստանի գույները» թեմատիկ ցուցահանդեսի այցելուները՝ հատկապես կանայք, տևական հիացումով, խնդուն դեմքերով անցնում են նկարից նկար և ինքնաբերաբար արտաբերում հոգիները պարուրարած խոսքեր՝ ծաղիկների հրճվանք է սա, կյանքի ժպիտը... (Թվում էր, թե շրջանակ-

ված նկարների թովիչ ծաղիկները նաև... բուրում են, քանզի ցուցասրահները ծայրեծայր հագեցած էին անուշահոտությամբ... Իրականում նկարների ծաղիկների այդ միակ պականակամ ակամա լրացումն էին գեղեցկուհի այցելուները՝ իրենց նրբին, դուրսող ծաղկաբույր օծանելիքներով...): Բովանդակ ցուցահանդեսը, ամսարակույս, ճշմարիտ, սրտագրավ արվեստի հետ այն համդիպումն էր, որը երևույթ և իրադարձություն է դառնում գեղապաշտ մարդու կյանքում:

Շարունակելի

Սերժ ՄԱՆՈՒԿՅԱՆ



Աստրախանի հայկական եկեղեցին



Ղզարի Կրթական փողոցը



Ղզարի Ս. Գրիգոր Լուսավորչի եկեղեցին, 1812 թ.

Նորահայտ վավերագրեր կուսանաց եկեղեցի կառուցելու մտադրության մասին

Թիֆլիսի Ս. Ստեփանոս կուսանաց անապատի պատմագիր Խորեն քնն. Խուցյանն անորոշ, երբեմն էլ հակասական տեղեկություններ է հաղորդում ժեղարի վերջերին կուսանոցի մայրապետի եւ միանձնուհիների Ղզարում գտնվելու մասին:

Խուցյանը գրում է, որ Թագուհի մայրապետը (1790–1799 թթ.) հիմնականում ապրել է Ղզարում՝ այս հանգամանքը ենթադրաբար պայմանավորելով նրա՝ ծնունդով Ղզարից լինելով (*խորեն քնն. Խուցյան*, Թիֆլիսի Ս. Ստեփանոս կուսանաց անապատի պատմությունը, Թիֆլիս, 1914, էջ 23):

Խուցյանի պատմության մեկ այլ դրվագի համաձայն՝ 1796 թվականին «Ռուսաց երկրի Յայոց ազգի արքեպիսկոպոս» Յովսեփ Արղությանցի տրամադրած անցագրով Թագուհի մայրապետը կույս իշխանուհի Բեհբուջյանցի եւ մի քանի այլ միանձնուհիների հետ Սոգոդոկից պետք է գնար Ղզար, ապա՝ Աստրախան: Իսկ թե ինչու էին Թիֆլիսի կույսերը հայտնվել այդ վայրերում, կրկին անհայտ է: Խուցյանը ենթադրում է միայն, որ նրանք այս կերպ խույս են տվել Թիֆլիսում բռնկված ժամատախտից (*խորեն քնն. Խուցյան*, նշվ. աշխ., էջ 23–24):

Ըստ Խուցյանի՝ Թիֆլիսի կուսանոցի միանձնուհիները՝ 20 հոգի, երկար ժամանակ մնացել են Ղզարում եւ վերադարձել են Թիֆլիս, երբ արդեն վախճանվել էր Թագուհի մայրապետը, եւ Յովսեփ Արղությանցը նոր մայրապետ էր նշանակել կույս Մարիամին (*խորեն քնն. Խուցյան*, նշվ. աշխ., էջ 48):

Պատմության այս մութ էջերին որոշակի լույս է սփռում նույն Թագուհի մայրապետի եւ կույս Գայանե Խոջա Բեհբուջյանի նամակը՝ հրապարակված «Բանբեր Մատենադարանի» հանդեսում, ինչպես նաեւ Մեսրոպ Մաշտոցի անվան Մատենադարանի արխիվային ֆոնդերում պահվող նորահայտ ու դեռեւս անտիպ մի քանի նամակներ: Դրանք բացահայտում են Թիֆլիսի կույսերի՝ Ռուսահայոց թեմում գտնվելու հանգամանքը, իսկ որ ավելի ուշագործ է, տեղեկացում են Յովսեփ արք. Արղությանի՝ կույսերի համար եկեղեցի եւ կացարան կառուցելու կամ որ նույնն է՝ կուսանոց հիմնելու մտադրության մասին:

Վավերագրերից ամենավաղը Մատենադարանի ձեռագիր ժողովածուներից մեկում ներառված մայրապետի եւ կույս Գայանեի Սոգոդոկից գրված վերոհիշյալ նամակն է՝ թվագրված 1795-ով եւ հասցեագրված ժամանակի հայտնի ազգային գործիչ Յովհաննես Լազարյանին եւ նրա տիկնոջը: Նամակից հայտնի է դառնում, որ կույսերը Սոգոդոկ են հասել՝ փախչելով նույն թվականի սեպտեմբերին պարսից Մահմադ խանի՝ Թիֆլիս կատարած վայրի արշավանքից: Նամակագիրները, իբրեւ ակնմատեններ, պատմում են պարսից զորախմբի անասելի վայրագությունների, ինչպես նաեւ հրո ու սրո ճարակ դարձած քաղաքից իրենց մազապուրծ փախուստի մասին:

Ահա թե ինչպես են նկարագրում կույ-



Յովսեփ արք. Արղությանց, 1743 թ.

սերն իրենց հապշտապ փախուստը. «Մեք տառապեալ Թիֆլիզու կուսանքս ի մէջ գիշերի հապճէպ փախեաք: Չմասն ի կենաց խաչափայտից եւ զայլ սրբոց մասունս եւ զտեսակ-տեսակ զանօթս եկեղեցւոյ մերոյ ի պալատս իշխանաց իշխանի քաղաքի՝ մելիքի մերոյ Խոջայ Բեհբուջեան յորջորջեալ, հանգուցեալ մելիք Սեփարիբեգի եւ Սինիշկար Աղայի ի պահեստի ուրուք պահպանեցաք արկեղքք. ոչ գիտեմք, որոնեալ, գտեալ են անհաւատքն, թէ նոյնպէս կայ ի պահեստի անդ, իսկ ընդ մեզ առաք զայլ մասն խաչափայտից՝ առանց պահարանի, որ մականուամբ Յոռոմու խաչափայտի մասն կոչի եւ քանի մի զայլ սրբոց մասունս առաք ընդ մեզ, բայց որ ըստ հասարակութեան հարկաւորն է, յայսինքն զգնելի հանդերձս մեր՝ ըստ օրինի կուսանաց՝ զփիլոսոփ եւ զվերարկուս մեր թողաք եւ փախեաք ի մէջ գիշերի, որպէս ասացեաք ի վեր անդր, որ յիրաւի առանց հողաթափի եւ մուճակի, ելեալ ենք բոկ ոտիւք ի մենաստանէ եւ ի քաղաք մերմէ եւ եկեալ հետիոտս ի լեռնակողմն, ի կիրճս լեռանց եւ անդ աւուրքք բազմօք, ի բացօթեայ տեղի, ի ներքոյ անձրեւի կայաք, թող թէ զհասարակաց կերիս, որ է հացն՝ ոչ գտանեաք, զի ոչ թէ մի էր եւ մի վիշտն եւ կսկիծն ամենեցունս, որք մազապուրծ եղեալ ելեալ ենք իբր թէ իբր միայն ի հայրենական բնակութենէ հեռացեալ եւ օտարացեալ ենք, այլ բազմատեսակ վերք եղեն ամենեցունս» (Ռ. Տիտանյան, «Նորահայտ մի փաստաթուղթ 1795 թ. Թիֆլիսի աղետի մասին», Բանբեր Մատենադարանի, 1960 (5), Երեւան, էջ 488–489): Նամակի տակ 2 կույսերի ստորագրություններն են. «Յանգուցեալ Յովսեփի դուստր, սարկաւագուհի, կուսանաց (վարդապետ) մայրապետուհի եւ մայր վանաց՝ անուամբ Թագուհի եւ մակաբերեալ ազեալ Միրիմանեանս եւ Տփիսիու հանգուցեալ իշխան Սելէք աղայի դուստր սարկաւագուհի Գայիանէ յորջորջեալ Խոջայ Բեհբուջեան միաբան սարկաւագուհեօք եւ կուսանօք հանդերձ» (անդ, էջ 490):

Արդյո՞ք փախստական կույսերն Արղությանի տրամադրած անցագրով, որի մասին հիշատակում է Խուցյանը, Սոգոդոկից Ղզարով հասել են Աստրախան, հայտնի չէ: Սակայն Մատենադարանի արխիվներում պահվող նորահայտ նամակները վկայում են, որ նրանք կանգ են առել Ղզարում, որտեղ եւ մնացել են բավական երկար տարիներ:

Բոլոր այդ նամակները, բացառությամբ մեկի, գրված են Ղզարից՝ կույսերի փախուստից 3–4 տարի անց՝ 1798–1799 թթ., եւ հասցեագրված են այդ տարիներին Ռուսահայոց թեմի առաջնորդ Յովսեփ արք. Արղությանին: Նամակներից երկուսի հեղինակը Թագուհի մայրապետն է, եւս մեկինը՝ կույս Մարիամը: Մնացած նամակների հեղինակները հոգեւորականներ են՝ Ղզարի Մինաս եւ Սահակ քահանաները եւ Աստրախանից Թադեոս վարդապետը, որոնք իրենց գրություններում զանազան հարցերի հետ մեկտեղ անդրադառնում են նաեւ Ղզարում հանգրվան գտած կույսերի խնդիրներին:

Յովսեփ Արղությանի՝ կուսանաց եկեղեցի կառուցելու մտադրության մասին նախ տեղեկանում ենք Մինաս քահանայի՝ 1798 թվականի փետրվարի 25-ի նամակից: Նամակում խոսվում է Արղությանի՝ մեզ դեռ անհայտ հրամանի մասին, որը կույսերն ընդունել են շնորհակալությամբ, սակայն պատասխանել են, որ քաղաքի իշխանները չեն կատարել եկեղեցի կառուցելու իրենց խոստումը:

Մինաս քահանան գրում է նաեւ, որ հայտնել է իշխաններին, եւ «նոքա կարի յոժարութեամբ յանձն առին, որ զամենայն կատարեսցեն»: Նամակի վերջում քահանան Արղությանին փոխանցում է կույսերին կայսերական ռոժիկ սահմանելու խնդրանքը, ինչը հուշում է Ղզարում նրանց ոչ այնքան բարվոք վիճակի մասին:

Ավելորդ չենք համարում ամբողջությամբ ներկայացնել Մինաս քահանայի նամակի՝ կույսերին վերաբերող հատվածը (այս եւ մյուս նամակների վերծանմանն աջակցելու համար մեր խորին երախտագիտությունն ենք հայտնում Ջաքարիա Ծ. Վրդ. Բաղումյանին):

Մինաս քահանան գրում է. «Այլ եւ վասն կուսանացն, զոր հրամայեալ էիր, տարեալ ներկայութեամբն նոցին ընթերցայ: Եւ նոքա պատասխանեալ, թէ մէք ամենայն կողմանէ շնորհակալ եւ յօժարեմք, բայց թէ իշխանք քաղաքիս, զոր ինչ խոստացան եւ ոչ կատարեցին, երկնչիմք, միգուցէ մեք խնդրեմք եւ յետ կատարման խնդրանացն մերոց: Իշխանքն զեկեղեցին եւ զբնակութիւնս մեր ոչ շինեցին: Մնայցեմք մեք ողորմելիք եւ սուտ առաջին կայսերութեանն, եւ իմ գնացեալ յայտնեցի իշխանացն, եւ նոքա կարի յոժարութեամբ յանձն առին, որ զամենայն կատարեսցեն: Եւ յայտնեցի կուսանացն, որ եւ յօժար կամօք օրհնելով զՏէրդ գրեցին զխնդրագիրս իրեանց, որ եւ եղեալ պահարանոցս տեսանելոցն:

Գիտէ Տէրութիւնդ, որ մանաւանդ մեծ բարերարութիւն առնիցես, եթէ կայսերական ըռոճիկն հաստատես» (Կաթ. դիւան, թղթ. 8, վ. 12):

Նկատենք, որ նամակագիրն այդպես էլ չի մատնանշում, թե որ քաղաքի իշխանները «զեկեղեցին եւ զբնակութիւնս մեր ոչ շինեցին», եւ կամ հետո ինչ իշխանների է դիմել, որոնք «յոժարութեամբ յանձն առին, որ զամենայն կատարեսցեն»:

Սակայն նամակի բովանդակությունից հստակ է, որ խոսքը կուսանաց եկեղեցի կառուցելու մասին է, եւ որ Արղությանի նշված հրամանը եւս վերաբերել է եկեղեցու կառուցմանը: Որն է եղել մամն նախաձեռնության շարժառիթը, հայտնի չէ: Թերեւս կարելի է ենթադրել, որ այն պայմանավորված է եղել Թիֆլիսի կույսերի համար առավել անվտանգ վայրում մի նոր կուսանոց հիմնելու նպատակահարմարությամբ:

Անորոշ է մնում նաեւ եկեղեցու կառուցման վայրը: Արդյո՞ք այն պետք է կառուցվեր այն տարիներին առաջնորդանիստ Յաշտարխանում (Աստրախան), թե՛ Ղզարում, որտեղ հանգրվանել էին Թիֆլիսի կույսերը: Նամակում այս մասին եւս խոսք չկա:

Ամեն դեպքում Արղությանի՝ կուսանաց եկեղեցի կառուցելու մտադրության մասին մեկ այլ վկայության ենք հանդիպում Աստրախանից ուղարկված՝ Թադեոս վարդապետի գրությունում: 1798, մայիսի 4 թվագրությամբ այս նամակում վարդապետն Արղությանին ուրախությամբ հայտնում է, որ ստացել է կուսանաց եկեղեցի կառուցելու հրովարտական:

«Ընկալայ եւ զկուսանաց եկեղեցաշինութեան հրովարտակո զսաւատն, եւ ուրախ եղէ առ այն ոգով չափ: Յաւելացուցէ Տէր յաւիտեանս ժամանակաց զանգին կեանս Սրբազնութեանդ, զի այդպիսի նորանոր շնորհաց արժանացումամբ՝ զհամայն ազգս Յայոց մշտապէս պայծառս եւ անուանիս՝ ի մէջ բոլոր աշանց երեսցեսցես»,- ասված է նամակում (Կաթ. դիւան, թղթ. 8, վ. 37):

Շարունակելի

Հեղինակ՝ ՄԱՐՏՅԱՆ

ՔՐԻՍՏՈՆՅԱ ՋԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Ջայաստան»

թերթի խմբագրություն

Գլխավոր խմբագիր՝

Արփիկեն Չանթիկյան

Գրանցման վկայական՝ 624

խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/kristonya-hayastan

Ստոր. տպագր. 21.06.2023 թ.

Տպաքանակը՝ 1265